



ყოველკვირეული საზოგადოებრივი, სამეცნიერო და სალიტ. გაზეთი
 № 20 5 ოქტომბერი 1908 წ. ფასი 10 კ.



შინაარსი: სამეცნიერო.—ჭარი ჰერის (ლე-
 ქსი), დ. თურდოსპირელისა.—სხვა და სხვა ამ-
 ბები—ჩვენში.—რუსეთში.—ოსმალეთი.—სპარ-
 სეთი.—ბალკანეთი.—სტუდენტთა მოძრაობა: წე-
 რილი ოდესიდან, არიფისა—დედას (ლექსი), ვა-
 ნელი ბაგრატიანი.—მალაქა წერეთი (პიესა), ბა-
 ნისა.—თვალსაჩინო სწავლება, ოზგელისა.—
 პროვინცია.—სომეხთა შორის.—დედა, როგორც
 აღმზრდელი, ჰერის მუღლესი.—ლიბ წერეთლი,
 ოსისა.—ბანცხადებანი.

ს ა ა მ ა კ ვ ი რ ა ო თ.

Anicus Plato, sed magis
 amica veritas. *)

გაზ. „ეკალის“ ხელმძღვანელნი განა-
 გრობენ „კამპანიას“ ჩვენს წინააღმდეგ.
 უკანასკნელ მეთაურში ჩვენს კვლევას
 ცეხდით, რომ „ეკალის“ მეთაურები მხო-
 ლოდ თავის გაუგებრობასა და პოლიტი-
 კურ უმწიფრობას ამელოვნებენ, როდესაც
 იგინი „ჩვენი ეკალის“ ჯგუფში ხელავენ
 ბერძნულენობას, ნაციონალიზმს, იმ-
 პერიალიზმს, „პანკართველიზმს“ და სხვა
 ათასგვარ ვაებას. გაზ. „ეკალი“ ისევ თავი-

*) „პლატონი ჩემთვის ძვირფასია, მაგრამ
 ჭეშმარიტება კიდევ უფრო ძვირფასი არის“.

სას გაიძახის და რადგან საქირო საბუთებს მაინც ვერ პოულობს ჩვენს წერილებში, იგი სიხარულით ჩაფრენია ერთ ღია ბარათს, რომელიც მოთავსებული იყო „ჩვენი კვალის“ წინა №-ს უკანასკნელ გვერდზე.

ამ ღია ბარათის ავტორი, Artemius აცხადებდა, რომ იგი მზათ არის თავისი ცოდნა და ენერგია მიაშველოს იმათ, ვინც მოიწადინებდა ოსმალეთის ქართველებისათვის დახმარება აღმოეჩინა დღევანდელ პასუხსაგებ მომენტში. იგი თავის მხრივ ასახელებდა, რომ საქირო იქაურ ქართველებისათვის ქართულ ენაზე გაზეთის გამოცემა და ქართულ წერა-კითხვის გავრცელება. ამ ღია წერილს ჩვენს ორგანოში ადგილი დაუთმეთ, რადგან თანაუგრძნობთ აღნიშნულ საქმეს და არც გვეგონა, თუ ჩვენში ვინმე, რომელიმე პოლიტიკურ პარტიის მიმდევარი წინააღმდეგი იქნებოდა, ოსმალელ ქართველებს დახმარება მიეცეთ, სამშობლო ენაზე წერ-კითხვის გავრცელებისა და პოლიტიკურ გამოთხიზლების საქმეში. მაგრამ აი, ყოფილა მთელი გაზეთი, რომელიც ამ დახმარების წინააღმდეგ სასტიკათ ილაშქრებს, რადგან მას აქაც ელანდება „პანქართველიზმი“... „პანქართველიზმი“... მკითხველთან ბოდიშს ვიხდით, რომ ვახსენებთ ისეთ პოლიტიკურ მიმდინარეობას, რომელიც დღევანდელ საქართველოში—და მით უმეტეს სადმე დედა-მიწის ზურგზე—არ არსებობს და არც შეიძლება არსებობდეს. „პანქართველიზმი“ მხოლოდ „ეკალის“ ფანტაზიის—ნაციონალიზმის შიშით დაავადებულ—ფანტაზიის ნაყოფია.

ამ შიშს შეუპყრია „ეკალის“ მეთაური ზ. სახუმროთაც არ შეუპყრია. მას ვითომ ეკვიც არ აქვს, რომ „ცენტრი (ნაციონალიზმისა) რასაკვირველია, ჩვენი კვალის“ ჯგუფი იქნება“ და აბა რაღა გასაკვირია, თუ იგი „თოფ-ზარბაზანს“ ამ „ცენტრს“ უმიზნებს და გადარჩენილ, ერთ მუქა ტყვია-წამალს სწორეთ „ჩვენი კვალის“ წინააღმდეგ აბოლებს.

იმის დასამტკიცებლათ, რომ ეს ორგანო ვითომ „ლაღატობს კლასობრივ პრინციპს“, ვითომ ჩვენ კვალში „დაბუდებულია ნაციონალიზმი, იმპერიალიზმი, შოვინიზმი და სხ., გაზ. „ეკალს“ კვლავ ჩვენი წერილებიდანაც ამოულაგებია „საბუთები“, ე. ი. ჩვენთვის მოუხვევია ისეთი აზრები, რაც ფიქრადაც კი არ მოგვსვლია არასოდეს, ჩვენი აზრები კი გადაუბრუნებია უკუღმა, სრულიად დაუმახინჯებია და გამოუფენია უშველებელი აბდა-უბდა. ამ რიგით ფიქრობს გაზ. „ეკალი“ დასაბუთოს და გაამართლოს თავის „სახელოვანი“ კამპანია ჩვენს წინააღმდეგ.

„ეკალის“ მეთაურ წერილში (№ 25) მხოლოდ ერთი ადგილია—სადამოყენო კედლების შესახებ—რომელიც იდეურ კამათს ემზგავსება. ჩვენც აქედან დავიწყით, „ეკალი“-ს აბდა-უბდა კი ბოლოსთვის შევინახოთ, pour labone bouche, (ყელის ჩასაკოკლოზინებლათ).

წინა წერილში გაზ. „ეკალს“ ჩვენ განუმარტეთ, რომ თანამედროვე სახელმწიფოთა შორის არ არსებობს

და არ შეიძლება არსებობდეს საშუალო საუკუნოების კედლები, რაიც მხოლოდ იმ დროინდელ, ფეოდალურ წარმოებას შეეფერებოდა, და რომ დღეს ამ კედლების ნაცვლათ არსებობს მხოლოდ სადამოყენო და საეკარო პოლიტიკა. ესლა გაზ. „ეკალი“ გამომდგარა და დილიყანდურათ გვეუბნება: „არა, რიღო“ პუბლიცისტო, „სადამოყენო კედლები“—ეს რაიმე ფიზიკური საგანი არ არის, როგორც თქვენ წარმოგიდგენიათ, რომელიმე მასალიდან—ხიდან ან ქვიდან აშენებული. ეს გახლავთ მხოლოდ სადამოყენო და საეკარო პოლიტიკის განსხვავება სხვა და სხვა სახელმწიფოებში“.

კარგი და პატიოსანი. მაგრამ თქვენ საკუთარ ხელით დაწერილ, თქვენ საკუთარ სტრიქონებს სადღა გაეცქევით? თუ თქვენ თანამედროვე სადამოყენო და საეკარო საზღვრების ფიზიკურ საგნათ წარმოდგენა, ანუ საშუალო საუკუნოების კედლებათ დასახვა სისულელეთ მიგაჩნიათ და ამ კედლების ნაცვლათ მართლა ჰხედავთ მხოლოდ განსხვავებულ საეკარო და სადამოყენო პოლიტიკას, მაშინ თქვენ ისიც უნდა აღიაროთ, რომ ამ თანამედროვე „კედლებზე“ გადადი გადმოდიან არა მარტო იდეები, აზრისა და გრძნობის ნაწარმოებნი, არამედ, აგრეთვე ფიზიკური საგნებიც, ფიზიკურ შრომის ნაწარმოებნი, საეკარო საქონლის სახით. ეკონომიურ სფეროში არც ერთ თანამედროვე სახელმწიფოს არ შეუძლიან საკუთარ საზღვრებით შემოიფარგლოს მოქმედების ასპარეზი. მას ძალიან მალე სული შეეხუთებოდა და სწრაფათ დაქანდებოდა დაღუპვისაკენ. ამ სახელმწიფოთა შორის დღეს არსებობს მკიდრო ეკონომიური ურთიერთობა.

უკანასკნელი კი თვით უკიდურესათ ჩამორჩენილ სახელმწიფოსათვის ადრე თუ გვიან, მაგრამ აუცილებლათ, ნიშნავს კაპიტალისტურ ვითარებაში—ჩაბნის და თანამედროვე იდეურ მოძრაობაში შესვლას. დღეს ყველაფერი, რაც კი დიდათ საყურადღებო დაბეჭდება ფრანგულ, გერმანულ, ინგლისურ თუ სხვა ენაზე, უმაღლესე ითარგნება სხვა და სხვა ენაზე და ყველა თანამედროვე ნაიების კუთვნილებათ ხდება. დიას, თანამედროვე სახელმწიფოთა შორის, მიუხედავათ სადამოყენო—საეკარო საზღვრების, ერთობ მკიდრო ეკონომიური და იდეური რთიერთობა—კავშირი არსებობს, და თუ ეს აგრეთვე თანამედროვე სახელმწიფოებისათვის, რატომ უნდა კოფილიყო საქმე სხვანაირათ რუსეთისა, სპარსეთისა და ოსმალეთისათვის, მით უმეტეს, როცა ეს სახელმწიფო ნიც საფსებით გათანამედროვედებოდნენ, როცა აქ დამკრდებოდა კონსტიტუცია, პოლიტიკური და მოქალაქობივი თავისუფლებანი? გაზ. „ეკალის“ ხელმძღვანელმ რომ კიდევ არ გადაჰყიკოს, მოვიყვანოთ მისივე სტრიქონები. ჩვენი ერთი წერილის შესახებ („ჩვენ კვალის“ № 18, მეთაური) იგი ირონიულათ სწერდა

„მაშ, ასე, ოსმალეთ—სპარსეთის მოძრაობა იმითაა მნიშვნელოვანი ჩვენთვის, რომ იქაურ ქართველებს გ“

მოადგილებს მათში ეროვნულ თვითშეგნებას შეიტანს და „ნაცი ნალ - კულტურულათ“ შემოგვიერთებს.“ და „ეკალის“ უმეტეს პუბლიცისტი, განახლებულ ოსმალეთ-სპარსეთ-სა და საქართველოს ქართველთა შორის ნაციონალ-კულტურულ ურთიერთობა—შეკავშირების შე-საძლებლობას მხოლოდ და მარტო ასეთი მოსაზრებით არღვევდა: აღნიშნულ მიზნისათვის აბა რა მნიშვნელო-ბა უნდა ჰქონდეს იმ გარემოებას, „რომ ქართველ მაკ-მაღიანებს სპარსეთ—ოსმალეთის პარლამენტში ექნებათ წარმომადგენლობა, ისინი ხომ მაინც სხვა სახელმ-წიფოში იქნებიან, ჩვენსა და მათ შორის სადამოყ-ნო კედელი იქნება?.. ცხადია, ზემოთ დახატულ გეგ-მის განსახორციელებლათ აუცილებელია ოსმალეთ-სპარსეთის ქართულ პროვინციების სახელმწიფოებრივი შე-შოერთება“ (იხ. ეკალი № 21, პრესა.)

აშკარაა, რომ აქ „ეკალის“ ხელმძღვანელის წინა-შე ერთათ-ერთი მწუხარე ალტერნატივა (არჩევანი) სდგას. მას ან 1) ჩვენ მიერ ხაზგასმული „სადამოყნო კედელი“ ისე ესმის, როგორც საშუალო საუკუნის კედელი ან როგორც „რაიმე ფიზიკური საგანი, რომელიმე მასა-ლიდან—ხიდან ან კვიდან აშენებული“ და მაშინ, მისი დანარჩენი მსჯელობა, ღებულობს აზრისა და ლოგიკის ელფერს და ან 2) აღნიშნული „კედელი“ მას ისე ეს-მის, როგორც თანამედროვე სადამოყნო-საეპრო პო-ლიტიკა და მაშინ მისი დანარჩენი მსჯელობა ხდება უაზ-რობათ. მესამე გზა ჩვენი მოკამათისათვის არ არსებობს. მან ამ ორში ერთი უნდა აირჩიოს. რომელს აირჩევს, ეს ჩვენთვის სულ ერთია.

* *

ჩვენი შენიშვნა „სადამოყნო კედლების“ შესახებ იმდენათ სწყენია „ეკალს“, რომ იგი ცდილობს თვით ჩვენს წერილშივე აღმოაჩინოს ვეება შეცდომა. იგი გან-ცვიფრებული კითხულობს „სად ამოიკითხა ენა-წყლიან-მა პუბლიცისტმა ასეთი ამბავი, რომ რუსეთის კაპიტა-ლიზმი ებრძვის მფარველობითი სისტემას?“ შეიძლება ჩვენი წერილის შესაფერი ალაგი „ეკალმა“ მართლაც ვერ გაიგო და ამიტომ განემარტოთ ხელახლა.

ლაპარაკი არ უნდა, რომ რუსეთის კაპიტალისტე-ბი ღდეს არამც თუ არ ითხოვენ მფარველობითი სისტე-მის მოსპობას, პირიქით, ცდილობენ მის უფრო მეტ გა-ძლიერებას. ასე მაგ., „Тор-Пром. Газ.“ ამას წინათ რუსეთის სადამოყნო ტარიფს ადარებდა „ფიცრის ღო-ბეს“, რომელზედაც მხოლოდ ზარმაცი ვერ გადახტება—ო-და ითხოვდა „არ დაიზოგოს ჯგური ისეთ მაღალ კედე-ლის ასაშენებლათ, რომელზედაც ყვავიცი კი ვერ გადა-ფრინდებოდეს“. მზგავსი მოთხოვნები ტარიფებისა და პოლიტიკის გადიდების შესახებ გაისმის ხოლმე მრეწ-ველთა სიეზდებზეც. ამას წინათ დაარსებული სამხრეთ-რუსეთის მეტალურგიული ტრესტი ითხოვს იმავე სა-დამოყნო ტარიფის აწევას. მაგრამ ყველა ამ ფაქტები-დან გნა ის გამომდინარეობს, ვითომ რუსეთის ბურ-ჟუაზია მომხრეა მთავრობის საეპრო-სადამოყნო და სა-

ერთოთ ეკონომიურ პოლიტიკის? სრულებითაც არა.

ბიუროკრატიულ თვითმპყრობელობის მტაცებლურ-მა მმართველობამ, როგორც იცით, მრავალი მილიონი ხალხი სისტემატიურ შიმშილობისა და ხოლერის მსხვერ-პლი გახდა. ამით რუსეთის ვაჭრობა-მრეწველობას სა-სტიკათ შეეზღუდა შინაური ბაზარი, რაიც მისი განვი-თარების აუცილებელი საფუძველია. სახელმწიფოს არ-სებულ პირობებში ბურჟუაზიას დარჩა მხოლოდ ერთი გზა—გარეთ გასვლა, ახალ ტერიტორიაზე გამაგრება, ახალი ბაზრის შოვნა, მთავრობა კი ახალ ტერიტორიის დაპყრობას რაკი ხმლით ვერ ახერხებდა, ისევე „მფარვე-ლობითი სისტემას“ უნდა დასწოლოდა. იგი „სამშობლო მრეწველობის“ სასარგებლოთ კარგა ხნიდანვე აწევებს მა-ღალ სადამოყნო ტარიფებსა და პოლიტიკებს, რაიც, სხვათა შორის,—როგორც „ეკალიც“ შენიშნავს—იწვევს მემამულეების დრტინებას. მაგრამ არც თვით მრეწველ-ნი რჩებიან კმაყოფილნი, რადგან რუსეთის სადამოყნო კედლებს მაინც ლახავს უცხოეთის ნაწარმოები და სა-სტიკ კონკურენციას უწევს რუსეთისას თვით რუსეთში-ვე. ამის გამო მუდამ საჭირო ხდება სადამოყნო კედლე-ბის უფრო და უფრო ამაღლება, „მფარველობითი სი-სტემა“ იქცევა „აღმკრძალავ სისტემათ“. ყველა ეს აუ-ტანელ ტვირთათ აწევება ადგილობრივ მომხმარებელთ, რადგან, ბაჟების მეოხებით იძულებულნი არიან უზომოთ გადიდებული ფასი აძლიონ საქონელში. მატულობს სა-ერთო სიდუხჭირე; და, რაც უფრო საყურადღებოა, მთავრობის გადამეტებულ „მფარველობის“ წინააღმდეგ, ამხედრებულია თვითონ ბურჟუაზიის მოწინავე და შეგ-ნებული ნაწილი. ამათ ლიტერატურასა და პრესაში ხში-რათ გვითხულობთ ასეთ სტრიქონებს: „ის გარემოება, რომ ჩვენ თვით ჩვენ სახლშიაც კი უღონონი ვართ გა-ვუმკლავდეთ უცხოეთის კონკურენციას, საკმაოთ მოწ-მობს მთავრობის საეპრო-სადამოყნო პოლიტიკის აე-კარგიანობას; იგი ნათლათ მოწმობს, რომ გადაქაბე-ბული მფარველობა ხელს უწყობს მხოლოდ მრეწველო-ბის უკან ჩამორჩენას და სარგებლობის ნაცვლათ ვნებას იძლევა. ფაქტი ჩვენ თვალ წინ არის. მაშინ, როდესაც უცხოეთის მრეწველნი, დაყრდნობილნი თავიანთ თავ-ზე, მუდამ ფხიზლათ სდარაჯობენ თავის ინტერესებს და მუდამ იმის ცდაში არიან, რომ არავითარი ახალი გა-მოგონება მათ არ გამოეპაროთ, ჩვენში სადამოყნო ტა-რიფების მაღალი კედელი გვართმევს იმ სტიმულებს, რომელიც მრეწველობას მუჯღუგუნსა სცემს და წინ ეწევა გაუმჯობესება-განვითარების გზაზე“.

ეს ბურჟუაზია კარგათ ხედავს, რომ უცხოეთის კონკურენციასთან გასამკლავებლათ და საერთაშორისო ბაზარზე ჯეროვანი ადგილის მოსაპოვებლათ, საჭიროა ტენიკის განვითარება და წარმოების გაიფება. ეს კი ითხოვს შინაური ბაზრის გაფართოვებას, ე. ი. ადგი-ლობრივ მცხოვრებთა მსყიდველ ძალების ამაღლებას, ნაცვლათ სადამოყნო კედლების ამაღლებისა, დაუსრუ-ლებლივ. გაღატაკებულ ხალხისა და დაცემულ მეურ-

ნეობის გამოსაკეთებლათ კიდევ საჭიროა მთელი ბიუროკრატ—თვითმპყრობლურ მმართველობის ძირიანათ შეცვლა და სხ. დასძინეთ ისიც, რომ ძველი რეჟიმის დროს როგორც ყველაფერი, ისე სავაჭრო-სადაზღვეო პოლიტიკაც კეთდება კანცელარიულათ, შინაურულათ და ნათლიმამურათ. „კანცელარია“ თუ მრეწველთა ერთ ჯგუფს, ანუ რომელსამე საზოგადოებრივ წრეებსა სწყალობს, სამაგიეროთ მეორეებს იმდურებს, მას თუნდა გულითაც სურდეს, ყოველთვის არ შეუძლიან კარგათ დაინახოს მთელი ბურჟუაზიის ინტერესები, და თუ დაინახავს კიდევ, არ შეუძლიან ბურჟუაზიის ყველა ნაწილები მოარიგოს. ადრე თუ გვიან, აქ აუცილებლათ წინ დგება წარმომადგენლობითი მართვა—გამგეობის მიუცილებელი საჭიროება.

დიახ, ბიუროკრატიულ თვითმპყრობელობის ეკონომიური პოლიტიკა რუსეთის ვაჭრობა-მრეწველობასა და მეურნეობას საპყრობილე კედლებათ გადაეცა, მძიმე ხუნდებათ დაეკიდა მის განვითარებას. ამიტომაც, მწვავე უკმაყოფილება მოედო როგორც მემამულეებს, ისე მთელ ბურჟუაზიას. ამიტომაც—როგორც ვწერდით ჩვენს უკანასკნელ წერილში—„ბურჟუაზია ამხედრდა ძველი რეჟიმის წინააღმდეგ, რადგან მისი წადილია დაანგრეოს „კედლები“, ხელთ იგდოს სახელმწიფოს სადავეები და თვითონვე აწარმოოს უფრო მოგებიანი და სარფიანი სავაჭრო და სამრეწველო პოლიტიკა“.

აი, მთელი ის აზრი, რომელსაც ჩვენ წინა წერილში გამოვთქვამდით. აქედან სრულებითაც ის არ გამოდინარეობს, ვითომ დღეს „რუსეთის კაპიტალიზმი ებრძვის მფარველობითი-სისტემას“, როგორც ეს წარმოუდგენია „ეკალს“. მომგებიანი და სარფიანი სავაჭრო პოლიტიკა“ ხომ უეჭველათ თავისუფალ ვაჭრობას არ იგულისხმებს, ცხადია, „ეკალის“ პუბლიცისტი ამოთ შეწუხებულია.

* *

ესლა გადავიდეთ პოლემიკის უფრო საინტერესო ნაწილზე.

აქ „ეკალი“ს „არმადა“ გამოჰკიდებია „ჩვენი კვალის“ „ნაციონალიზმით“ დატვირთულ ნავს, რათა ამ უკანასკნელს ნება არ მისცეს მარქსიზმის წმიდა წყალში კონდრაბანდათ გაატაროს თავისი საქონელი. ამ მიზნით, „ეკალის“ მეოპარნი ჩვენს წერილებს ცალკე-ცალკე ნაწილებათ ჰკუწავენ, მის აზრებს ცალკე დებულებათ ასხავენ; ფლოტის უფროსი იძლევა კამანდას: „მორევი ამოვიზინწოთ ნამდვილი აზრი—ავტორის (ე. ი. ჩვენი) უმთავრესი დებულებები და გამოაქვთ ასეთი „ჩონჩხი“: „1) ქართველ ნაციის ადამიანთა საგრძნობელი რიცხვი სცხოვრობს სპარსეთ-ოსმალეთში.“

2) ნაციის რაოდენობას კი დიდი გავლენა აქვს კაპიტალისტურ წეს-წყობილებაზე“. ნამდვილათ „ჩვენ კვალში“ ეს „დებულება“ ასეა გამოთქმული: „კაპიტალისტურ ცხოვრების პირობებში ნაციის რაოდენობას ერთობ დიდი მნიშვნელობა აქვს არა მარტო ეკონომიუ-

რათ, არამედ აგრეთვე იდეურათაც“. ჩვენ მიზანშეწონილი ამოღებული გვქონდა სწორეთ იდეური მხარე.

3) კაპიტალიზმის განვითარება ააყვავებს და აღორძინებს მთელ ქართველ ნაციის ძალებს“.

„4) საერთო ქართველი ერის აღორძინება—გაძლიერება წინ წასწევს მუშათა საქმეს“.

გაზ. „ეკალი“ გახარებული თვისი „ნადავლით“ გაიძახის „აი, ასეთია ის ჩონჩხი, ... აი როგორი მარგალიტი აზრები დარჩება რიყეზე, რომ კვალელების ნაწერს გადაუწურო მარქსისტულ ფრაზეოლოგიის წყალი“. მაგრამ „ეკალს“ არც ერთი სტრიქონი, არც ერთი სიტყვა არ მოჰყავს ამ „ჩონჩხის“ დასარღვევთ, ამ ჩვენ „დებულებათ“ უარსაყოფელათ. ცხადია, რომ თვითონ „ეკალიცა“ ჰგრძნობს, ჩვენი აზრები სიმართლედ და ქეშმარიტება ყოფილა. და თუ ჩვენი „ფრაზები“ მარქსისტულია, ჩვენი „დებულებანი“ ქეშმარიტი სამართლიანია, რაღა გინდათ, შეილოსან, რას გვერჩით, რას გვედავებით? მაგრამ „ეკალის“ პუბლიცისტი ულ-ზობელ სახადის ანგელოზივით მოულოდნელის და სასტიკის ბრალდებით გვევლინება: „ესე იგი—განმარტავს ის ვითომ ჩვენს ილუმალ აზრს—საჭიროა ქართველი ერის გამრავლება სხვა და სხვა ქვეყნის ქართველების შეერთებით, რადგან ასეთი გამრავლება ხელს უწყობს კაპიტალისტურ წესებს“. და მერე, ჩვენ განა ამ კაპიტალისტურ წესებზე მეტი სხვა აღარაფერი გვაქვს საზრუნავი? მაგრამ ულმობელი მოკამათე განაგრძობს: თქვენ გინდათ კაპიტალიზმის განვითარების „აუცილებელ პირობათ ქართველი ერის შეკავშირება გამოაცხადოთ და ამნაირათ მუშათა საქმესა და პანქართველიზმის შორის ხიდი გასდოთ“.

არა, „რჯულის მადლმა“, აგეთი აზრი არც ფიქრათ მოგვსვლია და არც დაგვიწერია სადმე. სხვა და სხვა სახელმწიფოში მცხოვრებ ქართველებს შეერთება რომ აუცილებელი პირობა არ არის კაპიტალიზმის განვითარებისა, ამას კარგათ მოწმობს დღევანდელი საქართველო, სადაც კაპიტალიზმი ვითარდება მიუხედავთ იმისა, რომ აღნიშნული კავშირი არ არსებობს. რაც შეეხება სპარსეთსა და ოსმალეთს, აი რას ვწერდით ამაზე წინა წერილში: „ოსმალეთსა და სპარსეთში (მაშასადამე, იქაურ ქართველებშიც) კაპიტალიზმი განვითარდება, თუნდაც ქართველმა ბურჟუაზიამ საქართველოდან მათ ბოიკოტი გამოუცხადოს“. და რაკი ამრიგათ ქართველ ერის ყველა ნაწილებში მყარდება ერთ და იმავე ტიპის სოციალ-ეკონომიური ვითარება, ამით საფუძველი ეყრება ჩვენს ნაციონალ-კულტურულ (ე. ი. იდეურ, სულიერ) გაერთიანებას. უკანასკნელი ნიშნავს ერის აღორძინებას და განვითარება-გამრავლებას, რაც თავის მხრივ მოასწავებს მუშათა საქმის წინ წაწევას... მაშასადამე—დაასკენის ჩვენი მოკამათე—„ჩვენი კვალის“ „საერთო ნაციონალურ ღმერთს ემსახურება, მას გუნდრუკს უქმევს, ის ღალატობს კლასობრივ პრინციპს და ბურჟუაზიულ ნაციონალისტურ გზას ადგება“.

მაგრამ, ჰოი „მართლმორწმუნეო“ მოგვისმით. იმავ წერილში („ჩვენი კვალი“, № 19) ჩვენ გარკვევით ვამბობდით, რომ კაპიტალიზმის განვითარების ხელის შეწყობა არ არის სოციალდემოკრატიის პირდაპირი საქმე—რასაც ეხლა თქვენ თვითონ იმეორებთ — „ჩვენ საკმაო საკუთარი საქმე გვაქვს, ეს არის მუშახალხის კლასიური გათვითცნობიერება“. ცხადია, ჩვენთვის ნაცია არ ყოფილა ერთიანი მასსა; ცხადია, რომ იგი ჩვენთვისაც დაყოფილია სხვა და სხვა ერთი მეორის მოწინააღმდეგე კლასებათ და რომ ნაციის ბრწყინვალე მომავლის გამოშქელი და მუშათა კლასიურ იდეალის განმახორციელებელი გზა არის სწორეთ კლასთა ბრძოლის განვითარება.

იმის შესახებ, თუ რა ურთიერთობაა ნაციისა და მუშათა კლასის ინტერესთა შორის, უფრო ვრცლათ სწერდა ონი. (იხ. მისი წერილები ეროვნულ საკითხის შესახებ, „ჩვენი კვალის“ პირველ №№-ში. თუ „ეკალის“ ამხანაგები იქ გამოთქმულ აზრებს არ ეთანხმებიან, კეთილ ინებონ და დაარღვიონ. მხოლოდ მოწინააღმდეგის აზრი მოიყვანონ ხოლმე ტექსტალურათ, სიტყვა-სიტყვით და არა ჩიქორთულათ. მაშინ უფრო აშკარათ ვნახავთ, ვის ესმის სწორეთ მარქსიზმი და ვინ იტებს კისერს მის შეუგნებელ დამცველობით.

დასასრულ, ერთი შენიშვნა. „ეკალის“ ხელმძღვანელი გვასმენს თავის მკითხველებთან, რომ „დიდმა“ ამხანაგმა ჩვენი ანი „შეუბუბლა“ პუბლიცისტთ მონათლაო. ვაცხადებთ, რომ ეს მტკნარი სიცრუეა. „დანოსი“ და ისიც ყალბი „დანოსი“ რა საკადრისია?

რაც შეეხება „შეუბუბლა“ ოპორტიუნისტებს, ამათზე—და მათ რაცხეში უეჭველათ მოჰყვება ანიც—ჩვენ შემდეგ გვექნება ბაასი. ოპორტიუნისტობა რომ პუბლიცისტურ ნიჭის დამცირებას არ ნიშნავს, ეს იცის ყველა თვალხილულმა ადამიანმა. არამც თუ შეუბუბლავი ოპორტიუნისტი, თვით ოპორტიუნისმის მამათ მთავარიც კი შეიძლება იყოს დიდებული პუბლიცისტი. მაგ. ედ. ბერშტეინის პუბლიცისტობას და პარტიის წინაშე დამსახურებას თვითონ კაუტსკიც დიდის პატივით იხსენიებს.

ქ ა რ ი ჰ ა რ ი ს

ქარი ჰქრის, ქარი ზუზუნებს,
თავხარს სცემს არე მარესა,
ტყე გმინავს, ტყე იღეწება,
ცრემლს აფრქვევს მწველ მღუღარესა.

ცა მოღრუბლულა პირ-ქუშად,
ვერ ვსჭვრეტ მზეს მოელღარესა,
ძაძა გლოვისა ახურავს
მრავალ-ტანჯულსა მხარესა.

ყველა ქვითინებს, ჰგოდებს, ჰკენეს,
ყველა მოუცავს კაეშანს,
წყვლიაღმა გრძნობა გათიშა,
თანამგრძნობელი არსით სჩანს.

მაგრამ ჩუ!.. ქარმა იყუჩა,
ტყე აღარ გმინავს მწარედა,
განთიადს ვხედავთ ღრუბლებ ქვეშ,
ექვი იმედებს დანებდა.

დ. თურდოსპირელი.

სხვა-და-სხვა ამბები

ჩ ვ ე ნ ი

აკაკის საიუბილეო კომიტეტის ვისიც ჯერ აარსნება დართო მოაწყოს აკაკის 50 წლის სალიტერატურო მოღვაწეობის იუბილე და კომიტეტის პროგრამა დაამტკიცა. კომიტეტის შემუშავებულ პროგრამით იუბილეიარის პატივსაცემლათ არსდება მის სახელობაზე სალიტერატურო ფონდი ქართულ მწერლებისა და სხვა მოღვაწეების დასახმარებლათ. ფონდის შესადგენათ უნდა გაიმართოს ხელის მოწერა, საღამოები და წარმოდგენები. საიუბილეო დღესასწაული მოეწყობა აგრე: გადახდილ იქნება სიონის ტაძარში პარაკლისი, შემდეგ სახაზინო თეატრში წაიკითხავენ მოლოცვებს. ამ დროს თეატრში იქნება მგალობელთა გუნდი და ორკესტრი, რომელნიც შეასრულებენ შესაფერ პანგებს. საიუბილეო წარმოდგენები გაიმართება ზუბალაშვილის სახლში, ვერისა, ავქალის ავდიტორიასა და ავლაბარში.

დღესასწაულისთვის გამოიცემა იუბილეარის რჩეული ლექსები და დაურიგდება ხალხს.

ადგილობრივი კომიტეტები დაარსება პროვინციების ყველა ქალაქებსა და დიდ დაბებში.

◆ წ. კ. გამავრცელებელ საზოგადოების კომისიამ შეიმუშავა პროგრამა 27 ოქტომბერს ილია ჭავჭავაძის, საღამისა სხვათა შორის საარტისტო საზ. თეატრში წარმოდგენილ იქნება „დედა და შვილი“, დაიდგმება ცოხალი სურათები „განდგეილიდან“, დასასრულ გაიმართება აპოთეოზი.

◆ სამხედრო სასამართლომ 30 სექტემბერს ჩამოხიობა გადაუწყვიტა ალექსანდრე უგულაუას (19 წ.) რომელსაც ბრალდებოდა მეზოვე ბურღალიძის მოკვლა. სასამართლომ ამასთანავე დაადგინა, იშვამდგომლოს გენ. გუბერნატორის წინაშე, რომ სასჯელი შეუმსუტუქდეს.

◆ ახალსენაკის ხაზინაში, როდესაც გახსნეს თბილისის განყოფილების სახელმწიფო ბანკიდან მიღებული პარკი, რომელშიც 25 ათასი მანეთი უნდა ყოფილიყო, ფულის მაგივრათ აღმოჩნდა ქალაქის ფულის ზომაზე გამოქრილი უბრალო ქაღალდები.

პარკზე ბეჭედი და თოკი იყო სრულიად მთელი. სად და როგორ გამოსცვალეს პარკი ჯერ გამოურკვეველია.

◆ დაიბეჭდა და ამ დღეებში გამოვა ჩვენი ბელეტრისტებისა და პოეტების ნაწარმოებთა ახალი კრებული „ნიაფი“ კრებულში მოთავსებულია შემდეგი ავტორების მოთხრობა-პოემები: ია ეკალაძის, შიო არაგვის-პირელის, კლდიაშვილის, ივანე გომართელის, ვაჟაფშაველასი, რაზიკაშვილისა, ცახელისა, დუტუ მეგრელისა, კ. მაყაიშვილისა, თომაშვილისა და სვ. ყიფიანისა.

◆ გამოვიდა საყმაწვილო ნახატებიანი ჟურნალი „ჯეჯილი“ის VII და VIII ნომერი ერთ წიგნათ. ნომერი მდიდარია შინაარსით და სუფთათაა გამოცემული.

რ უ ს ე თ შ ი.

სიკვდილით დასჯა მიუსაჯეს სარატოვში—ერთს.

◆ ჩამოახრჩვეს სარატოვში—ორი.

◆ სიკვდილით დასჯა მიუსაჯეს: რიგაში—ექვსს, რეველში—ოთხს.

სიკვდილით დასაჯეს რიგაში—ერთი.

◆ სიკვდილით დასჯა მიუსაჯეს ტომსკში—ორს.

◆ სიკვდილით დასაჯეს ტომსკში—ერთი.

◆ სიკვდილით დასჯა გადაუწყვეტეს: ელისავეტგრადში—ორს, კავკავში—ორს, დუბნოში—ერთს, პერმში—სამს („რჩ“ 226—231).

◆ ხოლერის გაჩენიდან 27 სექტემბრამდე პეტერბურგში ხოლერით მომკვდარა 2772 სული.

◆ ვ. ნ. კოკოცკევის განკარგულებით კიშინიოვში, პუშკინის თეატრი სახალხო სიფხიზლის სამზრუნველოსი, გადაეცა „რუსის ხალხის კავშირს“.

◆ მოსკოვში ვეკილ ქალებს ნება ეძლევათ,—დაიცონ სისხლის სამართლის საქმე მომრიგებელ სასამართლოებში.

◆ კიევის საპატიმროში მასწავლებელმა ქალმა პრისიპიენიუკიმ, რომელსაც სიკვდილით დასჯა ჰქონდა მისჯილი, დასჯის წინა ღამეს თავი მოიწამლა. როგორც გამოირკვა, საწამლავე მას ფანჯრიდან მიაწოდეს. ის დაასაფლავეს ერთათ, სხვა სიკვდილით დასჯილებთან.

◆ სარატოვის დედათა მონასტერში გამოაშკარავებულ იქმნა ორი შემთხვევა ობოლ პატარა ქალთა გახრწნილებისა.

◆ კიევის დრამატიულ თეატრში არაჩვეულებრივი „სკანდალი“ მოხდა: წარმოდგენის დაწყების დროს სცენიდან გამოაცხადეს, რომ თუ რეცენზენტი იარკიევი არ დასტოვებს თეატრს, წარმოდგენა არ შესდგება.

◆ 25 სექტემბერს მოსკოვის სამოსამართლო პალატაში დაიწყო მაქსიმალისტთა საქმის გაჩევა. საქმე სწარმოებს დახურულ კარებში. ბრალს სდებენ 83 კაცს. მათ შორის არის ელად 50 წლის ქ-ნი ეფრონი, ყოფილ მინისტრის დურნოვოს ნათესავი, სამასი მოწამეა. საბრალ-

მდებლო ოქმი შეიცავს ოც დაბეჭდილ თაბახს. საბრალ-მდებლო მასალა შეიცავს 24 სქელ ტომს. საქმე გას-ტანს სამ კვირას...

ო ს მ ა ლ ე თ ი.

როგორც სომხურ გაზ. „მშაკ“-ის სტამბოლელი კორესპონდენტი გადმოგვცემს, სომეხ რევოლუციონერებს აქვთ თავიანთი საკუთარი ოფიციალური ბიუროები და თავისუფლათ მოქმედებენ. თავისუფალი სიტყვა მრავალ ხალხს იზიდავს ეკლესიებში, სადაც მხურვალე სიტყვებს ამბობენ გამოჩენილი რევოლუციონერები. ამას წინათ სტამბოლის ერთ-ერთ ეკლესიაში მიტინგი იყო გამართული. ჰნჩაკისტების პარტიის სტამბოლის კომიტეტს ორატორათ მიეწვია სახელოვანი რევოლუციონერი მოღვაწე და ჰნჩაკისტების თეორეტიკოსი ბ-ნი საპაჰ-გიულიანი.

კრების თავმჯდომარეთ იყო სასუნის (სომხეთი) 1894 წლის აჯანყების გმირი, დიდი მურადი, რომელსაც ურიცხვი ხალხი მიეგება აღელვებულ ტაშის ცემით და ოვაკიებით. საპაჰ-გიულიანმა ილაპარაკა ოსმალეთის რევოლუციის, ერების სოლიდარობის და ჰნჩაკისტების მიმართულების შესახებ. ორატორმა აუხსნა ხალხს, რომ „არსებობს ორი ევროპა. კაპიტალისტური ევროპა, რომლის ინტერესები ეწინააღმდეგება ჩვენ სამშობლოს ინტერესებს. მას სურს, რომ არსებობდეს ობსოლიტური ოსმალეთი, რადგანაც მაშინ დაუბრკოლებლივ შეუძლიან ექსპლუატაცია გაუწიოს მას და სისხლი სწოვოს. და არსებობს ჯორესების და ბებელებების ევროპა, რომელიც მზათ არის ბრძოლის ველზე გამოვიდეს კაპიტალისტურ ევროპის წინააღმდეგ ჩვენი ინტერესების დასაცავათ“. შემდეგში ორატორი აღიარებს, რომ ოსმალეთის ყველა ერნი შეერთებულ ძალით უნდა ებრძოლონ იმ მთავრობას, რომელიც პირველათ დაეცემა ოსმალეთს და უნდა დაიცვან ოსმალეთის ხელოვნებლობა. „ყველა ერს იითოეულად უნდა ქონდეს **შინაგანი თვითმართველობა**, რომლის შემდეგ მას განცალკევების მისწრაფება აღარ ექნება, არამედ ყოველ ძალას მოიხმარს საერთო იმპერიის კეთილდღეობის და ბედნიერებისათვის“.

შემდეგში თათრულ ენაზე სიტყვა წარმოსთქვა ვეკილ ხოსროვიანმა ეფენდიმ და დაწვრილებით განმარტა ჰნჩაკისტების მოღვაწეობა და აუხსნა მათი პროგრამა. მესამე ორატორათ გამოვიდა ქურთების კომიტეტის წევრი ბადრხან-ბეი, რომელსაც სწავლა-განათლება პარიზში მიუღია. *) მან უკეთესათ დააფასა ჰნჩაკისტების მოღვაწეობა და თავისი სიტყვა დაამთავრა ასე: „ჰნჩაკისტების პარტია იყო, რომ იმდენი მსხვერპლით და

*) უნდა შევნიშნათ, რომ ოსმალეთის ქურთების კომიტეტი მუშაობს ჰნჩაკისტების პარტიასთან ერთად, რადგანაც რევოლუციონური განათლება ქურთებს მიუღიათ ჰნჩაკისტებთან და მათ ლიდერების ხელმძღვანელობიდან გაწვრთნილან.

ოცის წლის წამებით ჩვენ გვამცნო თავისუფლების მნიშვნელობა. გაუმარჯოს ჰენრი კინგის პარტიას და ჩვენ რევოლუციონერ მასწავლებელთა. ხალხმა ორატორები ტაშის კრით და ოვაციებით დააჯილდოვა.

ს ზ ა რ ს ე თ ი .

თავრიზიდან დეპეშით იტყობინებიან, რომ 30 სექტემბერს, სამი დღის გამწვავებულ ბრძოლის შემდეგ, შაჰის მომხრე უბანმა დავაჩმა, რომელიც ოთხი თვის განმავლობაში სასტიკათ ებრძოდა რევოლუციონერებს, დაჰყარა იარაღი და ოთხი ზარბაზნით დაემორჩილა სათარ-ხანის მომხრეთ. აგრეთვე დაემორჩილენ უკანასკნელი უბნები—სურგაბი და შიშკილანი. რეაქციონერების ბეგადები მირზა-შიტი, მირზა-ჰასანი, მირზა-ქერიზი, რაჰიმ-ხანი და შუღღა-ნიზამი გაიქცენ.

დავაჩის უბნის აღების შემდეგ, რევოლუციონერებმა, ხალხთან ერთად, ექსპროპრიაცია უყვეს რეაქციონერთა საკრებულოს დარბაზს, მირ-გაშიზის ქონებასა და შაჰის მამულების გამგის მირზა-რაფის ქონებას. რეაქციონერთა საკრებულოს დარბაზს ცეცხლი წაუკიდეს და დასწვეს. მთელი თავრიზი რევოლუციონერთა ხელშია. აგებენ ახალ-ახალ სიმაგრეებს და ამაგრებენ პოზიციებს.

ბ ა ლ კ ა ნ ე თ ი

ოსმალეთში ძველი რეჟიმის შენგრევისა და თავისუფლების დროშის აფრიალების შემდეგ ბალკანეთის ნახევარ კუნძულზე პოლიტიკური ცა ერთობ იღრუბლება და იქუმება. მოსალოდნელია ახლო მომავალში ბალკანეთი სასტიკი ომის ასპარეზით გახდეს. შესაძლებელია ოსმალეთის მოუხდეს შეტაკება ავსტრო-ჰუნგრეთსა და ბოლგარიასთან, მაგრამ ისიც მოსალოდნელია, რომ ეს ომი გადაიქცეს საერთაშორისო ომად. ამისთვისაა, რომ მთელი განათლებული ქვეყნის ყურადღება ბალკანეთსკენაა მიქცეული და გულის ფანცქალით მოელიან ბალკანეთის კითხვის გადაწყვეტას. ევროპის პრესა განცხადებული აკრიტიკებს ავსტრო-ჰუნგრეთის მოქმედებას. ბევრი იმ აზრისაა, რომ ბოლგარიას არ შეეძლო სხვანაირად მოქცეულიყო. რატომ უნდა ეძლია ხარკი ოსმალეთისათვის, მაგრამ ამავე დროს დასძენენ, რომ ბოლგარიამ ამისთვის უფრო აირჩია შესაფერი მომენტით; ბოლგარიის მოქმედებას თუმცა ასე უყურებენ, მაგრამ ავსტრო-ჰუნგრეთის მოქმედებას კი სასტიკად ჰკიცხავენ, რადგან ამით მან დაარღვია ბერლინის ტრაქტატი და შეურაცხყო ის სახელმწიფოები, რომელთაც ხელი უწერიათ ამ ტრაქტატს. ინგლისი და საფრანგეთი თხოვლობს ტრაქტატის დაურღვევლობას, რუსეთი წინადადებას აძლევს ევროპის სახელმწიფოებს, რომ მოწვე-

ულ იქნეს კონფერენცია ბერლინის ტრაქტატის გადასაშინჯათ. გერმანია და იტალია ხმა გაკმენდილია. აშკარაა რაღაც იდუმალი შეთანხმება უნდა იყოს ავსტრო-ჰუნგრეთსა და მათ შორის. ბოსნია-ჰერცეგოვინაში, რომელიც თავის საკუთრებათ აღიარა ავსტრო-ჰუნგრეთმა, სერბიასა და ოსმალეთში იმართება ავსტრო-ჰუნგრეთის წინააღმდეგ დემონსტრაციები და მიტინგები, სასტიკად ჰკიცხავენ ავსტრო-ჰუნგრეთისა და ბოლგარიის მოქმედებასაც.

ავსტრო-ჰუნგრეთის იმპერატორი თავის მანიფესტში ჰპირდება ბოსნია-ჰერცეგოვინას კონსტიტუციასა და მოქალაქობრივ უფლებებს, მაგრამ ის ვერ იმეტებს ვერც ისეთ თავისუფლებას და საარჩევნო უფლებას, რომელიც აქვს თავის სახელმწიფოში. ბოსნია-ჰერცეგოვინა ოსმალეთის რევოლუციის ზეგავლენით ამოძრავებული სასტიკ წინააღმდეგობას უწევს ავსტრო-ჰუნგრეთთან შეერთებას.

ახალგაზდა ოსმალნი ჯერჯერობით წინ დახედულათ მოქმედებენ და უთითებენ ევროპის სახელმწიფოებს იმაზე, რომ ბერლინის ტრაქტატი არამც და არამც დარღვეული არ იქნესო, მხოლოდ ოსმალეთის პროვინციებში გამართულ აუარებელ მიტინგებსა და დემონსტრაციებზე ხალხი მოითხოვს ბოლგარიასა და ავსტრო-ჰუნგრეთთან ომს და მითვისებულ პროვინციების დაბრუნებას. ავსტრო-ჰუნგრეთი არწმუნებს ოსმალეთს, რომ ბოსნია-ჰერცეგოვინაში მე იმდენი მიშრომნია, რომ ეხლა ის მე შეკუთვნისო, მხოლოდ სანდჯაკი შეადგენს შენს კუთვნილებას და ჩემს ჯარს ვუბრძანე კადეც გავიდეს იქიდანო.

თუ ომი მიხდა ოსმალეთს შეეძლება ბრძოლის ველზე გაიყვანოს ერთ მილიონ ნახევარი ჯარის კაცი. ამათგან შეიდასი ათასი ევროპულათ გაწვრთნილ-შეიარაღებულ-ლია, მხოლოდ დანარჩენების გასაწრთენელათ ყოველივე ზომებია მიღებული) ავსტრო-ჰუნგრეთს—ორ მილიონი ორას ორმოცი ათასი, ბოლგარიას— ორმოცდაათი ათასი.

ასეთია ბალკანეთის მოპირისპირე სახელმწიფოთა სამხედრო ძალა. თუ როგორ გადაწყდება ბალკანეთის აწეწილ-დაწეწილი საქმე ამას ახლო მომავალი დაგვანახებს.

ს ტ უ ლ ე ნ ბ თ ა მ ო კ რ ა ო ზ ა .

წერილი ოდესიდან.

მკითხველს უკვე გაგებული ექნება, თუ რა გზას დაადგა რუსეთის უნივერსიტეტების მოსწავლე ახალგაზდობის ერთი ნაწილი სახალხო განათლების მინისტრის ბ. შვარცის ცირკულიარების ზეგავლენით. პირველათ, როგორც მოსალოდნელი იყო, პეტერბურგის უნივერსიტეტმა აღამაღლა ხმა. აქ პროფესორების კოლეგიამ ღირსეული მსჯავრი დასდო ბ. შვარცის პოლიტიკას და თითქმის ერთხმად გადასწყვიტა ბრძოლა მის წინააღმდეგ, მაგრამ მოსწავლე ახალგაზდობამ ჩვეულებისამებრ წინ წასდგა ნაბიჯი და 13 ენკენისთვის კრება მოახთი-

ნა, რომელსაც 2557 კაცი დაესწრო. კრებამ ხანგრძლივი მსჯელობა იქონია სამინისტროს ახალ მიმართულებაზე და, რა დარწმუნდა მის მაგნებელ ხასიათში, გადასწყვიტა ბრძოლა, დარღვეული უფლებების აღსადგენათ. ამავე კრებამ გადასწყვიტა უნივერსიტეტის დახურვა და შეიმუშავა შემდეგი მოთხოვნები:

- 1) მეცნიერების და სწავლის თავისუფლება;
- 2) სრული თავისუფლება სტუდენტების კრებების, ორგანიზაციებისა და წარმომადგენლობისა;
- 3) ქალების მიღება უნივერსიტეტში და 10% ნორმის მოსპობა ებრაელთათვის;
- 4) დაუბრკოლებელი მიღება უნივერსიტეტში ყველა საშუალო სასწავლებლების დამთავრებულ ყმაწვილების (რეალური სასწავლებელი და კოარპუსები);
- 5) დატოვება ახლათ შემოღებულ სისტემის (предметная система);
- 6) გაუქმება შესავალ ბილეთებზე ფოტოგრაფიულ სურათებისა;
- 7) გაუქმება კეთილსამედობის მოწმობის მოთხოვნისა უნივერსიტეტში მიღების დროს.

როგორც ხედავთ, მოსწავლე ახალგაზდობა აკადემიურ ნიადაგზე სდგას, მათი მოთხოვნები მოკლებულია პოლიტიკურ ხასიათს, რაც დიდ იმედს გვაძლევს მოსწავლე ახალგაზდობის გამარჯვებისას. უკვე დაწყებული ბრძოლაში. პეტერბურგის უნივერსიტეტს ხმა მისცეს მოსკოვის, ხარკოვის, იუზიევის უნივერსიტეტებმა და სხვა უმაღლესმა სასწავლებლებმა. სულ სხვაფერ არის საქმე ნოვოროსიის (ოდესის) უნივერსიტეტში. აქ კრების გამართვა შეუძლებლათ მიაჩნათ; ვინაიდან ახლათ არჩეულ რექტორის ბ. ლევაშოვის და პროფესორთა კოლეგიის უმრავლესობის მიმართულება ვერასოდეს ვერ შეუირიდება საზოგადოთ წინსვლას და კერძოთ—მოსწავლე ახალგაზდობისას. ამ დღეებში აპირებენ სამხედრო წესების მოხსნას და მაშინ, ექვს გარეშეა, პროფესორების კოლეგიის პოლიტიკაც შეიცვლება.*) უკეთეს პირობების მოლოდინში აქ გამოვიდა ფურცლები, რომლითაც სტუდენტებს აუწყებენ კოალიციონური საბჭოს დაარსებას და ურჩევენ იხელმძღვანელონ მისი განკარგულებით.

არიფი.

დ ე დ ა ს.

დედაც, ამას გთხოვ და გამოგონე:
ტრემლს ნუ მანახებ, ნუღა დამტარი,
თორემ იტადე, შენსა ტრემლებსა,
ვეღარ ავიტან ნწარედ დასჯილი...

ნურც შეკამინებს ბოროტად ჟღერადი,
რითაც შენ შეიღას სტკივა ფეხები;

*) სამხედრო წესების გაუქმების შემდეგ უნივერსიტეტში დაბრუნდება ოთხი პროფესორი, რომელნიც მარცხენა მხარეს დაიკვირნ.

უკანასკნელათ, ჩემო დედილო,

გადაგეგვი, გემშიდობები!..

ან კი ტრემლებსა რით შეიკავებ,

როს შეიღას გგაგვენ მშობელს ხელიდან,

და შორს, შორს სადღაც ბნელ მადაროში

იქ მოგაკლავენ, უნახავს შენგან!

გახსოვს, დედილო, ძუძუს რომ გკებდი,

რომ გტყულობინობდი მე შენ კალთაში?

რას იფიქრებდი, ჩემო ძვირფასო,

თუ გამისროდენ ციფ ქვეყანაში?..

ოი, დედილო, უკანასკნელათ

მომეცო ნება გადაგეგვი;

მხოლოდ ამას გთხოვ—გადახვევს დროს

ჩემ გულზე ტრემლი არ დაანთხიო!..

რათა დასტკერდი შენ ამ ბოროტებს,

ამის ჟღარუნზე ხომ არ იქცევი?..

ან, ხომ არ ფიქრობ, დაგლეწე ამას

და საცა არის მეტ გავიქცევი?

ოი, დედილო, ნეტავი მართლად

ჩვენ დანგრეულ სხელს კიდევ შევხედო,

კიდევ გუცქირო ბრწენვადე მესას

და თავისუფლათ გავინაგადო...

მაგრამ ეს, დედაც, ოცნება არის;

როს ფეხთ ბოროტად სსტაკათ ხუთავს,

თავისუფლებას ვერ გეღირსები,

სანამ მას ძალა მოვლათ არ დაგლეწავს.

ეს ძალა არის დარბთა მკლავი,

შეერთებული მჭიდრო კავშირით;

მხოლოდ ეს დაგლეწს მტანჯველთა ბუდეს,

როს დაიჭქავს თვის მრისხანე ხმით.

აწ კი მშვიდობით, ჩემო დედილო!

ნუღარ მოკლი ჯერ შენსა შეიღას;

კიდევ ამას გთხოვ, ნუ დამანახებ

დამკნარ სხეზე მდუღარ ტრემლსა...

ოი, განგებავ, მომსწარ ამ დღეს

და გამაგონე ეს მტკვარე ხმა;

როს კიდი-კიდე მთლათ შეაწყობს

სხვირთებულმა, ტანჯულმა ხალხმა.

ვანელი ბაგრატი

მადალს წერო.

(გაგრძელება. იხ. „ჩვენი კვალი“ № 19).

მოქმედება მეოთხე.

(სცენა წარმოდგენს მდიდრულათ მორთულ ზალას ნესტორის სახლში).

ერთი. როგორა ჰფიქრობთ, ჩვენი პატარძალი კობტა გამოვიდა, არა?

მეორე. არა უშავს რა, თუმცა უკეთესი რომ იყოს, აჯობებდა. (იცინიან და აქეთ-იქით იხედებიან).

მესამე. როგორ არა გრცხვენია! ძალიან მოხდენილი ქალია.

მეოთხე. ჩვენ ხომ არაფერს ვამბობთ, მაგრამ რა



ჩილს უფრო ლამაზი ცოლი შეეფერებოდა. ის იმისთანა ლამაზია, რომ ღიზას სულ ჩაჩრდილავს.

მესუთე. Ах! какой онъ красавецъ.

მექესე. Но за то и большой шалапай!

პირველი. რა იმის ბრალია! ქალებმა გაასულელეს.

ისე ხვევიან, როგორც ბუზები თაფლს.

მეორე კარტის თამაში და ლოტობა ძალიან ჰყვარებოა.

ნესამე. А всетаки онъ душка! (იციანიან). მე არაფერი მაქვს წინააღმდეგი, რომ იმისთანა ლამაზი ქმარი შემხედებოდეს. Я поклонница мужской красоты. (კარი გაიღება და შემოვა ექვსი ვეზირი

ყვავილების თაიგულებით. ხელს ართმევენ ერთმანერთს)

ერთი ვეზირი. ეს ერთათ ერთი შემთხვევაა, როდესაც ქალებს უფლება გეძლევათ, მამაკაცები აირჩიოთ. ჩვენ ველით თქვენს განაჩენს.

ერთი და. თუ შეიძლებოდეს, ცოტახანს კიდევ მოიცადეთ. (ოთახისაკენ უთითებს),

მეორე ვეზირი. ჩვენ წინააღმდეგნი ვართ ფარული კენჭის ყრისა.

ღები (ერთათ). არა, არა! მე თანხმა არა ვარ, მე თანხმა არა ვარ. არ გვინდა!

ერთი და. (ხელებს გაშლის) ხომ ჰხედავთ! ისა სჯობია, რომ თქვენს ნებით გაბრძნადეთ.

ვეზირები. (თავს უკრავენ; დებს) ვასრულებთ თქვენს ბრძანებას (გდიან).

ერთი და. აგრე! ყოველთვის ასე უნდა ასრულოთ მამაკაცებმა ჩვენი ბრძანება (იციინან).

მეორე და. აბა, ამოვირჩიოთ ჩვენი კავალერები, მაგრამ ალექსანდრეს არავის არ დაგანებებთ (შეჯგუფდებიან და ისე ლაპარაკობენ, რომ არა ისმის; ხან იციინან და ტაშს უკრავენ).

ერთი და (კარებისაკენ მიდის). მაშ დაუძახო?

დები (აჩერებენ). მოიცა ჯერ. (ისევ შეჯგუფდებიან, ლაპარაკობენ. იციინან. შემდეგ ერთი და კარებისაკენ წავა).

ერთი და (კარს გააღებს). მობრძანდით! ყმაწვილები შემოდით. დები გადიან და ყოველი მათგანი თითოს ვარდს აბნევს გულზე, ისინიც თაიგულებს გარდასცემენ.

ერთი და. ახლა ჩვენ ყველანი ლიზასთან წავიდეთ და აქ გამოვიყვანოთ (მიდიან. ზალაში ვეზირები რჩებიან).

ერთი. (მეორეს) თუ ძმა ხარ, დამები გავცვალოთ.

მეორე. რაათა? მე ჩემის დამით ძალიან კმაყოფილი ვარ.

პირველი. რაღა მე ამომირჩია იმ დაწყევლილმა.

მესამე. რა უშავს, კაცო? ცოლათ ხომ არ ირთავ

მეოთხე. არა თუ, ძმა ხარ, გვერდში რომ მოგიწევს, დაიწუნებ? (იციინან).

პირველი. გვერდში ჩვენი პატარძალიც რომ მომიწევს, იმასაც არ დავიწუნებ (იციინან).

რამდენიმე. (ერთათ) ჩუმათ, შეოჯახქორო, გაიგონებს ვინმე (აქეთ იქით იხედებიან).

ერთი. აბა ამოჰყაქეთ ლიუსტრის ფული.

მეორე. რა დროსია, — განა მერე ვერ მოასწრებ?

პირველი. არა, ჩემო ძმაო, მერე ყველა აქეთ იქით დაიფანტებით და მე დამირჩება გადასახდელათ. ამოჰყაქეთ, ამოჰყაქეთ. (აგროვებს ფულს. ამ დროს დებს შემოჰყაქეთ ლიზა ჯვარის დასაწერათ გამოზადებული. ვეზირები ღიმილით თავს უკრავენ; ერთი ხელზე ჰკოცნის).

ერთი ვეზირი. ჯერ ხელზე კოცნა არ შეიძლება, — ჯერ დამა არ არის. (სიცილი და საერთო მხიარულება. ლიზა შუაში დაჯდება; დები აქეთ იქით მოუსხდებიან. შამოვა ნესტორი და ოლდა, გრიგოლი და მარიამი).

ოლდა. შენკი შამოგველე, ჩემო ანგელოზო! შენს გვირგვინს მოვესწარი, შეილო! (შამოვხვევა, ჰკოცნის და ორივე სტირის).

ნესტორი. დედაკაცო, რამ გადაგრა? ეკლესიიდან რომ მოვლენ, მაშინ უნდა დალოცო, ახლა რა დროის დალოცვა!

ოლდა (ატირებულის ხმით). მაშინაც დაელოცამ და ახლაც. დედის ლოცვას დრო არ გააჩნია. (ლიზა კრემლებს იწმენდავს).

ნესტორი. ერიპა! ამ ქალებმა რომ თავისი არ გამოურიონ, ხომ არ შეიძლება (სხვებს) ერთი ჰკითხეთ,

რა აქვს სატირალი ან ერთსა და ან მეორეს? (ვეზირებს) უნდა გავათენოთ ამაღამ, ყმაწვილებო. რას იტყვით?

მარიამი (თავისთვის). ეჰ, ასეთია დედის გული!

ვეზირები. გავათენოთ, კნიაზ ნესტორ, გავათენოთ.

ერთი ვეზირი. გავათენებთ კი არა, აქვე უნდა დავალმოთ.

ნესტორი (სიცილით). Вот это понимаю! რამდენი ხანია, აღარ დავმთვრალვარ და ამაღამ ძალიან უნდა დავთვრე, ძალიან! (მოსამსახურეს შემოაქვს ტელეგრამა, ლიზას აძლევს და გადის).

ლიზა (ხსნის და ჰკითხულობს). Поздравляем съ тайнствомъ брака, пѣлуемъ, Григорій, Тасо, Маро.

ნესტორი. ტელეგრამა ვახშამზე უნდა წაიკითხოთ. (შემოდის მოსამსახურე. შემოაქვს ორი ტელეგრამა, ლიზას გადასცემს და გადის).

ლიზა (ერთს გახსნის და ჰკითხულობს). Поздравляемъ со счастьемъ. Нина, Леванъ. (ხსნის მეორეს). Шлемъ лучшія пожеланія новобрачнымъ. Владимиръ, Елена. (შემოდის მოსამსახურე ტელეგრამით).

ნესტორი. ვა, ეს ხალხი რამ გადაარია? ჯვარის წერას აღარ აცლიან? (ლიზას) თუ ღმერთი გრწამს, ახლა ნუ კითხულობ, ყველაფერს თავისი დრო აქვს. (მოსამსახურეს) შენ ერთათ მოაგროვე ყველა ტელეგრამები და ვახშამზე მოიტანე.

ლიზა (მოსამსახურეს). ეგ მოიტა აქ! (მოსამსახურე ტელეგრამას აძლევს).

ნესტორი (ლიზას ტელეგრამას გამოჰგლეჯს). არა, შეილო, ჯერ ჯვარი უნდა დაიწეროთ და ტელეგრამები მერე იკითხოთ. Это кошунство საიდუმლოება ქორწინებისა დიდი საიდუმლოებაა და მისი აბუჩათ აგდება ცოდვაა. (ტელეგრამას მოსამსახურეს გადასცემს და ხელს გაუქნევს. მოსამსახურე გადის).

ლიზა. ჩვენ არც ვივადებთ აბუჩათ, მამაჩემო!

ნესტორი. მაშ ეს რა არის? ჯერ ჯვარი არ დაგიწერიათ და ტელეგრამების კითხვა ვის გაუგონია! ისინიც, — სულელების ვერ მოასწრებდენ, ასე აღრე რომ გამოუგზავნიან? (შემოდის მოსამსახურე.)

მოსამსახურე. (ლიზას) კნიაჟნა! ვილაც ქალი გახლავთ და თქვენი ნახვა უნდა.

ლიზა. შემოვიდეს.

მოსამსახურე. მარტო თქვენი ნახვა უნდა.

ლიზა (მიიხედ-მოიხედავს). იმ ოთახში შეიყვანე და ვნახავ (ადგება).

ნესტორი. არა. (დააჯენს შეილს. შენ აქედან უნდა გაგისტუმროთ ეკლესიაში. (მოსამსახურეს) აქ შემოვიდეს გილაკაა, ჩვენი რას ერიდება!

მოსამსახურე. მატრო კნიაჟნა მინდაო.

ოლდა. ჩვენ გავიდეთ აქედან და ნახოს.

ნესტორი. იქნება ვინ ოხერია, რა ვიცი?

ოლლა. ალბათ ღარიბი ვინმეა, სათხოვრათ იქნება მოსული და ჩვენი რცხვენია. მაშ სხვა ვინ იქნება!

ნესტორი. სწორეთ აგრე უნდა იყოს. (ოლლას ხელს მოავლებს) ეს ჩემი დედაკაცი ცოტა მომიბერდა, თორემ სოლომონ ბრძენს არ დაუვარდება. მაშ ჩვენ ვავიდეთ. (გადიან ყველა, ლიზა დარჩება და მოსამსახურე.)

ლიზა. (მოსამსახურეს) დაუძახე ვილაცა. (მოსამსახურე გადის და რამოდენიმე ხანს შემდეგ შემოდის ეუღლში ანეტა, ვუალს აიწევს, ლიზას შეაჩერდება, შემდეგ ხელს ჩამოართმევს და თვალეში შეჩერდება).

ლიზა. დაბრძანდით.

ანეტა. არა მიშავს რა. (ხელს გაუშვებს) თქვენ უთუოთ გიკვირთ, რომ უცხო და უცნობი ქალი კარზე მოგადექით ამ დროს. (ხმა აუკანკალდება) არ მინდოდა, გეფიცებით, დიდხანს ვებრძოლე ჩემს თავს, მაგრამ ვეღარ შევსძელი. დავიტანჯე. (ტირილი აუვარდება, დაეშვება მუხლებზე, ლიზას კალთაში თავს ჩაუდებს და ტირის).

ლიზა. (დაბნეულად) ნუ სტირით, დამშვიდდით. მე არაფერი არ მესმის. (ანეტა ხელებზე ჰკოცნის ლიზას, ლიზა ხელებს აცლის) რათა, რათა. რა საჭიროა?

ანეტა (ხელებში ხელებს მოჰკიდებს და დაჩოქილი შეჩერდება). მე ყოველისფერი მას ვუმსხვერპლე, მას შევსწირე; ჩემი სიწმინდე, ჩემი პატიოსანი სახელი, ჩემი უმანკობა. დედამამ შემიძულა და დამივიწყა, დები და ძეები აღარ მახსენებენ, ნაცნობები და ნათესავები თვალს მარიდებენ, საზოგადოება დაცივნით მიცქერის; პატიოსანს ოჯახში მე არ მიშვებენ; ყველგან და ყველაზე ხასხას, სხვის საყვარელს მეძახის, მაგრამ მე ყველაფერი ავითანე, ყველაფერი დავთმე - ჩემი სინდისის წინაშე მხოლოდ მე ვარ პასუხის მგებელი, სხვა არავინ. მე არავინ არ მინდა. დეე, რაც უნდათ, ის იფიქრონ ჩემზე, ოღონდ ის იყოს ჩემი, მხოლოდ ჩემი. შენ მდიდარი ქალი ხარ, წარჩინებული დედამისი შვილი. ბედნიერების კარი შენთვის ყველგან და ყოველთვის ღია არის და იქნება. მე კი უმწეო ვარ, უბედური და შემიბრალებთ, ნუ წამართმევთ არჩილს, ნუ წამარმევთ. შენ ისეც ბედნიერი ხარ, მე კი ყოველისფერი დავკარგე, ყოველისფერს გამოვეთხოვე იმის გულისათვის, იმის მეტი მე აღარავინ და აღარასფერი აღარ დამრჩენია აქ ქვეყნათ. გევედრებით, შემიბრალებთ - (ტირის და ხელებზე ჰკოცნის).

ლიზა. მე არასფერი არ მესმის. ვინ არჩილია?

ანეტა. არჩილი, ჩემი არჩილი, ჩემი, ჩემი. მაპატიეთ, მაპატიეთ, რომ ამ დროს მოვედი თქვენთან, მაგრამ მე მხოლოდ ახლა გავიგე, რომ ჯვარს იწერთ ჩემს არჩილზე და გამოვიქცე თქვენთან გაგიყვებული, რომ იქნება ვპოვო თქვენში აღმდგომი. მე მას ჩემი სიკაღწეულე მივეცი, ჩემი ხორცი, ჩემი სული და გული. ნუ გამომგლეჯთ ხელიდან ჯვარდაწერილი არა ვართ, მაგრამ მე მაინც იმისი ცოლი ვარ, ცოლი, იმისი ხასა თქვენს

ენაზე — და მალე მისი შვილის დედა ვიქნები. (ლიზა დაიკივლებს და ისტერიკული ტირილი აუვარდება. კარი გაიღება და შემოცვინდებიან დები, ვეზირები, სტუმრები, ნესტორი, ოლლა, მარიამი, გრიგოლი.)

ოლლა. (მივარდება ლიზას) შვილო, შვილო! არიქა, დობტური, დობტური! მიშველეთ, წყალი! (გულს უხსნის. წყალი მიაქვთ და ასხურებენ ლიზას. ანეტა გაწვდვას დარცხენილი და შეწუხებული და გაშტებული შეჩერდება ყველას).

ნესტორი. (ანეტას) ახლავე გაეთრიეთ აქედან, თორემ ახლავე პოლიციაში ამოგაყოფივით თავს. თქვე უნამუსო, თქვენა!

ან.ტა. (დაიბნევა) მაპატიეთ, მე თვითონ არ მესმის... მე სრულებით არ მინდოდა.

დები და ვეზირები. დაიკარგეთ ახლავე აქედან! (მიედევნებიან და გარეთ გააგდებენ).

ნესტორი. (უკან გაჰყვება კარებში და იქიდან ისმის მისი ყვირილი) შე უნამუსო, შე კახა, შე ქუჩის მაწანწალავ შენა! (შემობრუნდება აქლოშინებული) მე მაშინათვე მიგრძნო გულმა, რომ საიკეთოთ არ იყო აქ მოსული, მაგრამ ვიღას დაუჯერეთ! ამისთანა დროს უცნობი სახლში შემოსაშვები არ არის.

ლიზა. (ტირილით დედას, რომელიც გვერდში უხის) დედა ჩემო! არ შემიძლია, მე ჯვარს ვერ დავიწერ, ვერა, ვერა. არასფრის გულისათვის (ტირის დედის გულზე მიყრდნობილი).

ოლლა. რაებს ლაპარაკობ, შვილო? დამშვიდდი, გული დაიწყნარე. ატირებული თვალებით რომ ეკლესიაში მიხვიდე, ვინ რას იტყვის?

ლიზა. არა, დედა! მე ეკლესიაში არ წავალ, მე ჯვარს არ დავიწერ, არ შემიძლია, არა.

ნესტორი. რას ლაპარაკობ, შვილო! გონს მოდი, კეუა კი არ უნდა დაჰკარგო.

ლიზა. არ შემიძლია, მამაჩემო, არა! იმას საყვარელი ჰყოლია, შვილიც (ტირის).

ნესტორი. ეს სულ ჩვენი მტრების მოხერხებულება, მაშინათვე მიგრძნო გულმა. აი სად დაგვიმიზნეს! მაგრამ ვერა, შენმა შვამ!

ოლლა. დაწყნარდი, შვილო! სხვების კორებს როგორ უნდა აჰყვე?

ლიზა. არა, დედა ჩემო! კორი კი არა სრული სიმათლეთა, — ის ქალი არჩილის საყვარელი იყო.

ნესტორი. საყვარელი კი არა, ის კიდევ! ეგ ჩვენ ენ მოგვიგზავნა, ძალიან კარგათ ვიცი. ძალიან კარგათ და თუ კაცი ეყოფილვარ, სამაგიეროსაც გადავუხდი (გადის გულ მოსული).

ლიზა. კარგი, მამა! მე ხომ ბავშვი არა ვარ. არავის არ მოუგზავნია. თვითონ მოვიდა, როგორც არჩილის საყვარელი. მაგას გარდა იმას სხვაც ბევრი ეყოლებოდა და ახლაც ეყოლება ხასები და საყვარლები.

ნესტორი. თუნდა აგრეც იყოს, — მერე რაო? ბერი ხომ არ არის?! უცოლო კაცს არასფერი არ ეძრახვის.

რომელი ვაჟკაცი გაჩერდება—სნეულისა და ლატაკის მეტი—რომ ცოლის შერთვამდე ქალს არ მიეკაროს? ისეთი რამე უნდა სთქვა, რომ ქკუაში იყოს მოსასვლელი. სანამ ცოლს შევირთავდი, რამდენი საყვარელი მე გამომიცვლია, დიახ, სწორეთ მე,—მაგრამ აბა დაეკითხე დედაშენს: მიყვარდა და მიყვარს ეგ თუ არა? ჰმ! (დადის).

გრიგოლი. ხა, ხა, ხა, ხა! მე მართლა რაღაც მეგონა. მაღალი წრის ყმაწვილ კაცს არც კი შეშვენის, რომ ცოლის შერთვამდე ორი-სამი საყვარელი მაინც არ გამოიცვალოს (ნესტორს ხელს გაუყრის, ყურში ელაპარაკება, იცინიან და დადიან).

ერთი და. არა გრცხენია, ლიზა? ქკვიანი ქალი ხარ და ქორებსა და სისულეებს კი აჰყალიბხარ. (შემოეხვევიან ლიზას გარშემო, ელაპარაკებიან ჩუმად, იცინიან. ლიზაც ნელ-ნელა იღიმება).

ერთი და. აბა, პუდრი! (რამდენიმე და გარბის ოთახში, მოაქვთ პუდრი და პირსახოცი. ლიზას თვალებს უწმენდენ და პუდრს აცხებენ სახეზე).

მეორე და. Прелесть! (იცინიან).

ოლა. ვენაცვალე ჩემს გოგოს (აკოცებს ლიზას. ამდროს კარი გაიღება და შემოვა არჩილი. თან შემოჰყვებიან ამხანაგები. (შეიქნება ხმაურობა).

ნესტორი. კაცო, სად დაიკარგე აქამდის!

არჩილი. განა დავიგვიანე? (ყველას ხელს ართმევს. ოლას ხელზე ჰკოცნის და მარიამს, შემდეგ ლიზას ხელზე ჰკოცნის, ხელს გაუშვებს და თვალებში შეჩერება) თითქოს კნიაჲნა მოწყენილია!

ნესტორი. ქალებს ამგვარი ჩვეულება აქვთ: ჯვარის წერის წინ უსათუოთ განგებ უნდა მოიწყინონ! (სიცილია).

ერთი ვეზირი. ახლა კი დროა, რომ წავიდეთ. ეკლესიაში უთუოთ გვიცილიან. (ჯერ ლიზა გაჰყავთ, შემდეგ არჩილი მიდის და ყველანი უკან გაჰყვებიან. დარჩება ნესტორი და ოლა).

ოლა (ხელზე აპყრობილი მიაცილებს კარებამდე და შემდეგ ზეცისაკენ იხედება). ღმერთო, შენ შეაბერე ერთმანერთს.

ნესტორი. Да! საიდუმლოება ქორწინებისა დიდი საიდუმლოებაა! (ფარდა).

(დასასრული).

განი.

თვალსაჩინო სწავლება სკოლაში.

(გაბრძნობა. იხ. № 16).

ასეთმა სრულიად ახალმა სკოლის მიზანმა შესცვალა თვით სასწავლო საგნების სახელმძღვანელოთა ხასიათი, კ. უშინსკის წიგნები, რომელთაც საფუძვლათ დადებული ჰქონდა პრინციპი პედაგოგიური ბუნებრივი განვითარებისა, განდევნილ იქმნენ სკოლებიდან და ამ წიგნების ნაცვლათ შემოღებულ იქმნა ისეთი ტლანქი სახელმძღვანელონი, რომელთა შინაარსი მხოლოდ ლიტერატურულ—ზნეობითი ხასიათს ატარებდა. უმთავრეს სკოლის მოვალეობათ შეიქმნა გრაჰტიკის და წერაკითხვის სწავლება და მხოლოდ მას შემდეგ, რაც მოწინავე ერობათა ერთმა ნაწილმა დაამთავრა სკოლის გეგმის შემუშავება და გაითვალისწინა კიდევაც ახლო მომავალში საყოველთაო პირველ დაწყებით სწავლის შემოღების განხორციელება, —მთავრობის და საზოგადოების ყურადღება მიექცა მაშინ თვისებით მხარეს სკოლისას და მასთან თვალსაჩინო სწავლებასაც.

თვალსაჩინო სწავლების აღდგომის ეკუთვნის კერძო პირთა ერთ წრეს, რომელმაც გამართა პეტერბურგში მოძრავი მუზეუმი თვალსაჩინო სასწავლო სახელმძღვანელოთ (учебных пособий) და ვიატსკის საგუბერნიო ერობას, რომელმაც იქისრა გამომცემლობის გახსნა სპეციალურად ასეთ სახელმძღვანელოთა დასამზადებლათ და შეღავათიან ფასებში მათი გავრცელება სკოლებში.

ვიატსკის გამომცემლობის დაარსებას, თან მოჰყვა პეტერბურგის ძველი ფორმების აღდგომის და მათი მოქმედების განახლება. ამ ჟამათ, უმთავრესათ ვიატსკის ერობის წყალობით, თვალსაჩინო სასწავლო სახელმძღვანელოთა შეძენა სკოლებისათვის ძლიერ გაადვილებულია, მათი ღირებულება მინიმუმამდე არის თითქმის დაყვანილი. ასეთმა იაფობამ მისცა ძლიერი ბოძი მათ გავრცელებას.

კურსკის საგუბერნიო ერობამ, ისარგებლა რა ვიატსკის გამომცემლობის სახელოსნოს ნაწარმოებით და პეტერბურგის მუზეუმის ჩვენებით პირველმა შეიმუშავა გეგმა თანდათან მიეწოდებინა თავიანთ შვილებისათვის აუცილებელი საკირო თვალსაჩინო სახელმძღვანელოთა კოლექციები, ღირებული სკოლისათვის არა ნაკლებ 12 მანეთის, 1202 წელში იმავე კურსკის ერობამ შეიმუშავა პროექტი მოძრავი რაიონული მუზეუმების დაარსებისა. ამასთან ერთად კურსკის ერობა ღებულობდა ყოველ გვარ ზომებს თვალსაჩინო მეთოდების გავრცელებისას მასწავლებელთა შორის კოლექციების დამზადების საქმეში სასკოლო მუზეუმებისათვის. ამ მიზნით კურსკში ხშირათ იმართებოდა პედაგოგიური კურსები და ამ კურსებზე ასწავლიდნენ პრაქტიკულათ სხვა და სხვა მარტივ საგნების გაკეთებას ბუნების მეტყველებიდან.

კურსკის საგუბერნიო ერობასთან მოწყობილი, მუდმივი სახელოსნო თვალსაჩინო სასწავლო სახელმძღვანელოთი დასამზადებლათ. ამ სახელოსნოს გამგემ მრავალი სპეციალური ექსკურსია მოახდინა მასწავლებლებთან ერთად კოლექციების შესაგროვებლათ. 1202 წელში ტვერის ერობამაც მიიქცია თავის უმთავრესი ყურადღება თვალსაჩინო მეთოდის დაფუძნებას თავიანთ სკოლებში! და კურსკის ერობის მგალობით გახსენებულმა შეიმუშავა ვრცელი გეგმა თავის მოქმედებისა ამ საქმეში, 1903 წ. ამ ერობამ დაიარსა უკვე თავისი სპეციალური სახელოსნო.

გასულ წელს ბანკის გამგეობამ, რადგან ქსენონის შენობა მას ღირს, მანვე იკისრა ისევ ქსენონის განახლება. მოიწვია თავისი წევრები და აირჩია ახალი კომიტეტი, შეისყიდა ადგილობრივი კერძო აფთიაქი, შეიმუშავა წესდება, მოიწვია ექიმი, ფარმაცევტი, ფერ-შალი და, ამნაირათ ისევ გაიჩარხა საქმე; მაგრამ სამწუხარო ის არის, რომ ეს ქსენონი ერთნაირათ არ უნათებს ყველას. ბანკის წევრები წამალს ღებულობენ დაკლებულ ფასებში, მხოლოდ არა-წევრები მომატებულში. ცხადია, აქ მეტი სარგებლობა ექნებათ, შეძლებულთ, რადგან ბანკის წევრები უმეტესათ შეძლებულებისაგან შესდგებიან.

თუ ქსენონი ასეთ პირობებშია, კარგი დღე არც სამკითხველოს დასდგომია. რეაქციის სუსხს ვერც ის გადაურჩა, სულ მიანგრ-მოანგრია იქაურობა, დაიკარგა რაც წიგნები იყო, ბევრი წაიღეს, ბევრიც დასწვეს, გამგემ თავი მიანება. ამნაირათ, სრულიად გაპარტახდა იქაურობა. ხშირათ სატუსაღოს მაგიერობას ასრულებდა ჩვენი „ბიბლიოთეკა“. ამ ცოტა ხანში აღმოჩნდნენ გულ შემატვივრები და შეუდგენ ისევ მოწყობას. აირჩიეს კომისია, გამგე და მგონი მოაგვირონ საქმე. საჭიროა მეტი მხნეობა, მეტი ენერგია გამოიჩინოს გამგეობამ, ამ ფრიად საჭირო კულტურული საქმისთვის. აგრეთვე ყველა გარეშე პირთ, ვისაც არ გაჰქრობია ადამიანობა და გრძნობა ყველამ დახმარება უნდა აღმოუჩინოთ. კარგი იქნება, სამკითხველოს შენობა მოაშორონ სოფ. სასამართლოს თუ გსურთ სამკით. შესაძლოა სთავის დანიშნულება, რადგან იქ ისეთი ხალხი იყრის თავს რომელიც ჰქვს თვალთ უცქერის სამკითხველოში მოსიარულეს.

ელისაბედიშვილი.

სომეხთა შორის.

გასულ 21 სექტემბერს სომეხ გრიგორიანთა საეპარქიო უფროსის სასახლეში მოხდა სრული სომეხთა კათოლიკოსის ამომრჩეველ, საეპარქიო დეპუტატთა არჩევნები. მთელ ოთხი საათის კამათის შემდეგ დეპუტატთა ამოარჩიეს ბ-ნი სამსონ ჰარუთიუნიანი, რომელიც „დაშნაკუთიუნის“ კანდიდატი იყო. მონაწილეობას იღებდნენ მშაქისტები, ეპისკ. ორმანიანის მომხრენი და დაშნაკუთიუნები.

ამათი საკათოლიკოსო კანდიდატია ეპისკოპოსი იზმირლიანი, რომელიც ამ დღეებში დაბრუნდა იერუსალიმიდან, სადაც გაგზავნილი იყო ოსმალეთის მთავრობის მიერ.

ამ არჩევნებში მონაწილეობას არ იღებდნენ ჰნჩაკისტები და ყველა მტკიცე მემარცხენე ელემენტები. მშაქისტების საკათოლიკოსო კანდიდატია იგივე იზმირლიანი, თუმცა საზოგადოება ყოყმანობს, რომ დაშნაკუთიუნებიც იმას ასახელებენ კათოლიკოსათ, მაგრამ სრულიად შესაძლებელია, შემდეგში ხმა მისცენ ეპისკ. სურენიანს რომელიც იქნება მათი უმა და აუსრულებს ყოველ მოთხოვნილებას და პარტიულ კაპრიზს. ეპისკ. ორმანიანის მომხრენი არიან ასე წოდებული ნორ-დარაკანეზ-ეპისკ. ორმანიანის მხურვალე მომხრეა ბ-ნი სამსონ ჰარუთიანი, რომელმაც კვირა დღის კრებაზე ფაქტებით დაუმტკიცა საზოგადოებას, რომ მის შესახებ ნათქვამი ყველა დანაშაულობანი უსაფუძლოა. შემდეგ ორატორმა ცნობილ ბელეტრისტმა ბ-ნი აპარონიანმა დაასურათა ეპისკ. იზმირლიანი და ძალიან აქო იგი, როგორც უსათუოდ ენერგიული, განათლებული პირი და დაავალა კრებას, რომ ამოარჩიონ დეპუტატთა ის პირი, რომელიც თავის ხმას მისცემს ეპ. იზმირლიანს.

საკათოლიკოსო არჩევნები მოხდება ოქტომბრის 30 ეჩმიადინში, სადაც თავს მოიყრიან. ყველა ქვეყნების დეპუტატები. ჩვენის აზრით კათოლიკოსათ ამოარჩეული იქნება ეპისკ. იზმირლიანი, რადგანაც მისი მომხრენი არიან არა მარტო მშაქისტები და დაშნაკუთიუნები, არამედ მთელი ოსმალელი დეპუტატები, რომელთაც 90 მეტი ხმა აქვთ, როდესაც რუსეთის, სპარსეთის და სხვა ქვეყნების დეპუტატების ხმა ერთად 40-ზე ნაკლებია.

ამას წინათ, „ჩვენი კვალის“ № 14 მოთავსებული იყო ერთი ცნობა სტამბოლის „დაშნაკუთიუნის“ ადგილობრივი ორგანიზაციის მოწოდების შესახებ, სადაც, სხვათა შორის, ნათქვამია: „დაშნაკუთიუნის“, რომელიც მოქმედებს ოსმალეთში 18 წელიწადია, იხმარს მთელ თვის ძალას, რომ გაამაგროს ოსმალეთში პოლიტიკური თავისუფლება, ჩვენ ვიყიდეთ თავისუფლება ჩვენივე სისხლით და დავიცავთ იმას უკანასკნელ სისხლის წვეთამდე. ჩვენთვის იგი არავის არ უბოძებია; არავის არა აქვს უფლება წაგვართოს ის“.

რადგანაც ქართველი მკითხველები საკმაოდ გაცნობილი არ არიან, თუ რას წარმოადგენს „დაშნაკუთიუნი, ანუ რა მონაწილეობა მიუღია ამ ბოლოს დროს და ამ 17 წლის (და არა 18 როგორც ნათქვამია) განმავლობაში, ამისათვის ჩვენ საჭიროთა ვცნობთ გამოვაცხევნოთ, რომ „დაშნაკუთიუნს“ ამ ბოლოს დროს გამოცხადებულ კონსტიტუციის წინათ, ოსმალთა ჯარისკაცთა შორის მოძრაობაში არავითარი მონაწილეობა არ მიუღია და როგორც თვითონ ახალგაზდა ოსმალთა დიდმა ნაწილმა არაფერი იცოდა კონსტიტუციის გამოცხადების შესახებ, ისევე და უფრო უმეტესათ არაფერი იცოდა „დაშნაკუთიუნმა“ ამის შესახებ. ზემოხსენებული 17 წლის მათი მოღვაწეობა ის ყოფილა, რომ რამდენ ჯერმე ოსმალეთის სომხების ჟღერის საბუთი გახდარა (1904 წ. სასუნის „აჯანყების“ დროს, ამ დემაგოგიურ პარტიასჰქონია მხოლოდ და მარტო 17 ეანგიანი ზერდანკა) და რამდენჯერმე გაუმეორებია ის ოპერაციები, რომელიც იხმარა ოსმალეთში ჰნჩაკისტების პარტიამ, 1896 წლამდე. შეიძლება ბ-ნი დაშნაკუთიუნებმა სთქვან,

რომ ისინი გასულ წელს პარიზში შეუერთდნენ ახალგაზდა ოსმალებს. ამის შესახებაც ვიტყვი, რომ პარიზის ახალგაზდა ოსმალთა ის ნაწილი, რომელთან ერთათ დაშნაკაცანებმა კონგრესი გამართეს, არა თუ მონაწილეობას არ იღებდა ამ მოძრაობაში, არამედ არც კი იცოდა თუ რა ხდებოდა ილდიზ-ქოსკო კონსტიტუციის შესახებ. ფაქტებით დავამტკიცებთ, რომ მათი „მოღვაწეობა“ სომეხ ერისათვის უზომოთ მაგნე ყოფილა როგორც ოსმალეთს, ისე კავკასიასა და სხვა ადგილებშიც. აი, რასა სწერს ამის შესახებ, სხვათა შორის, იმვე დაშნაკაცანების ახალი მოძიე ახალგაზდა ოსმალთა ერთი ორგანო. — „იკლამი“, რომელიც გამოდის სტამბოლში თათრულს ენაზე: „როდესაც ჩვენი საცოდავი მამულისშვილები (სომხები) დამარცხდნენ, გაიფანტნენ, მათი წამქეზებელთაგან არც ერთი არ დაეხმარა, ვიდრე ოსმალებმა არ ააფრიალეს თავისუფლების დროშა და მით საშუალება არ მისცეს ყველა სამშობლოდან გამორიცხულ სომხებს, გაეშალათ თავიანთ სამშობლოს დროშა... მხოლოდ ოსმალების ამგვარ მოქცევით, თვითონაც თავისუფლების სიკეთე იგემს“. აი ხალხს თვლებში ნაცარს როგორ აყრიან ჩვენი „დიდი თქვია“ დაშნაკაცანები. სიმართლე ის არის, რომ ოსმალელ ნაციონალისტების მანიოვრი არავინ იცოდა, არავინ ფიქრობდა, რომ ამის ავტორები, ახალგაზდა ოსმალების ერთი ნაწილი, მოიწადინებდა ამ გაკრეპილ კონსტიტუციით ჯერ-ჯერობით რბილი ბალიში ამოეღო ოსმალეთში მცხოვრებ სხვა და სხვა ერებისთვის, მაგრამ ამ რეცეპტმაც არ უშველა, და დღეს მთელი მაკედონელიები, არაბები, სომხები და სხვანი უკმაყოფილონი არიან და იქნებიან, ვიდრე დაკმაყოფილებას არ მიიღებენ და ნაციონალურ თვითმართველობას არ მოიპოვებენ.

ახალგაზდა ოსმალების ნაციონალიზმის ფანატიკობა ეხლა უფრო რელიეფათ გამოირკვა, როდესაც ბოლგარიის წინააღმდეგ ომსა ქადაგებენ. აი თუ რაგვარ „რევოლუციონერებს“ შეუერთდა „დაშნაკუტიუნი“, და როდესაც ჰნაქისტები გასძახოდნენ, რომ „ესენი სულ ერ თიანათ ნაციონალისტები არიან და მათი მისწრაფებაა, ყველა სხვა ერები შეადუღონ ოსმალეთთან“, იმ დროს ჰნაქისტებს ნაციონალისტებს და ერების სოლიდარობის წინააღმდეგ მოქადაქეთ ასახელებდნენ. ახალგაზდა ოსმალებს კარგათ ასურათებს მათივე, მიტინგებზე და პრესაში ყოველ დღე თქმული, შემდეგი სიტყვები, „ბიზ ჰაფიშ ოსმანი იქ“, რაიც ნიშნავს: „ჩვენ ყველანი ოსმანები, ესე იგი თათრები, ანუ ოსმანი შვილნი ვართ“. ესე რამდენიმე სიტყვა უფრო უკეთესათ ახასიათებს ჩვენ ცრუ სოციალისტ დაშნაკაცანების მეგობრებს. ვისაც უური აქვს სმენისათვის — გაიგებს.

Artemius.

დედა.

როგორც აღმზრდელი.

(წერილები მუშა ხალხის დედებისადმი).

თარგმანი ბერძნულიდან სვ. კანდ—ისა. *)

9.

ბავშვს უნდა უპასუხო ყოველ შეკითხვაზე.

ხშირათ მომხდარა ხოლმე, რომ შენ ბავშვისთვის დაგიყვირია: „საქმე გააქირე ერთი შენც ამდენი კითხვე-

ბით“! და მართლაც შენ ხშირათ არ იცი როგორ მოიქცე; ეს არის უპასუხე ერთ კითხვაზე და ბავშვი კიდევ რაღაც ახალს გეკითხება, შენ ვერც კი წარმოგიდგენია თუ როგორ ახერხებს ბავშვი სულ ახალ-ახალი კითხვები წამოგიყენოს ზედიზედ. ბავშვმა კი არაფერი არ იცის შენი უმწეობისა. ის ხედავს შენში დედას, არ იცის შენი უმწეობისა. ის ხედავს შენში დედას, რომელმაც მისცა მას ყველაფერი, რაც მას აბადია — სიცოცხლე, ენა, სასმელ-საქმელი. ბავშვი ფიქრობს, დედისაგან ყველაფრის გაგება შეიძლება. ნუ დაურღვევ ბავშვს ასეთ რწმენას დედისადმი! შენ შეგიძლია ბავშვს თამამათ გამოუტყდე, რომ ესა თუ ის არ იცი და ასეთ შემთხვევაში მამასთან, ან უფროს ძმასთან უნდა გაგზავნო ხოლმე. მაგრამ არასოდეს, არავითარ შემთხვევაში, შენ არ უნდა დაუხმო ბავშვს ცოდნის წყურვილი მოუთმენლობით, სიმკვანით და გაკიცხვით, ვინაიდან ბავშვის კითხვებში მხოლოდ ცოდნის წყურვილია გამოხატული და სხვა არაფერი. თუ ბავშვი რასმე გეკითხება, უპასუხე ყველაფერზე, რამდენათაც შენ თვითონ შეგიძლია. შენ ამით აჩქარებ ბავშვის სულიერ განვითარებას და ამასთანავე აორკეცებ მის შენდამი სიყვარულს.

10.

არ უნდა დასცინო შენს ბავშვებს.

გაკიცხვა და დაცინვა ერთი და იგივე არაა. ხშირათ, მოსწრებულ სიტყვებით ან თვალთა გამომეტყველებით კეთილის მდომი გაკიცხვა, კარგი თანაშემწეა აღზრდის დროს. ბავშვები ძლიერ გაუბრძან დაცინვას, არ უნდათ დასცინოთ მათ, ისინი ცდილობენ თავი დაიფარონ დედ-მამის დაცინვისაგან, ამისთვის საქმესაც გულმოდგინეთ და ბეჯითად ასრულებენ. გაკიცხვა კი არ არის კეთილის მდომი. ის მეტათ არა სასიამოვნო და მწარე თანაშემწეა. დაცინვა გამოგვადგება მხოლოდ დიდებთან ბრძოლაში. აქ ხშირათ ძალიან საჭიროა არის ხოლმე. ის მკრელი და საშინელი იარაღია მოწინააღმდეგებთან საბრძოლველათ. მაგრამ შენ ბავშვებთან კი დაცინვა ყოველთვის უადგილოა. ისინი არ არიან შენი მოწინააღმდეგენი, პირიქით ისინი შენი მეგობრები უნდა იყვნენ. თუ კი ეს ასე არის, მაშინ ეს დანაშაულობა შენ უფრო გაწევს, ვინემ შენს ბავშვებს. მეგობრის დაცინვა არ შეიძლება, წინააღმდეგ შემთხვევაში მეგობრობა დაირღვევა, მაშ ნუ დასცინებს შენს ბავშვებს, შენს პაწია მეგობრებს!

11.

ითამაზე შენს ბავშვებთან.

კარგი დაგეგმართოს, კარგი რჩევაა, იფიქრებ შენ. საიდან ვიშოვო დრო, ჩემ ბავშვებთან სათამაშოთ? ვითამაშო კი არა, ძლივს ვშოულობ დროს უსაქიროესი ოჯახის საქმეები და აუცილებელი დედის ზრუნვა შევასრულო. რასკვირველია, შენ მართალი ხარ და არც მე ვთხოვლობ, რომ მთელი საათობით უსარგებლოთ იტრიალო და იჩხირკედელაო. მაგრამ, შემთხვევით კი დაგჩება თავისუფალი დრო რამდენიმე წუთი, საათის მეოთხედი. აკი ხშირათ მოსძებნი ხოლმე საკმაო თავი-

*) იხ. „ჩვენი კვალი“ № 17.

სუფალ დროს შენი მეზობლის ქალთან სალაზიანდაროთ. აი, ეს მეოთხედი საათი შესწირე შენს ბავშვებს. იმდერე, იხტუნე მათთან ერთად, ეთამაშე „სტუმრობია“, „ქორობულობია“ და ყველაფერი, რაც ბავშვებთან ითამაშება. აბა, ერთი შეხედვით მაშინ შენ ბავშვებს, სახე რა რიგ უბრწყინავენ! თამაშობას დიდად ემატება ღირსება თუ მათთან ერთად დედაც თამაშობს! რა მადლობელი არიან ისინი მაშინ, როცა მათში შენც ტრიალებ, ხოლო თუ შენი დრო გავიდა, უთხარი ეს მათ და აუხსენი, რომ ესეც სამუშაოა უნდა წახვიდე. თუ არ წახველ, საქმელი არ გექნებათ. კობაც გახეულ შარვალთა დარჩება და ფესიკაც გაგლეჯილ ჩულქებით ირბენს. ამას ისინი გაიგებენ და თუმცა კი ძალიან დანაღვლებიან, მარა გავიშვებენ; ხოლო ისევ გამხიარულდებიან, როცა შენ მეორეჯერ მოხვალ და შენებურად შესძახებ: დედა მოდის თქვენთან სათამაშოთ:

— ქორო, ბუდეს დაგინგრევ!

— მე წიწილას წაგართმევ...

ჰენრიხ შულცე.

ლია წერილი

(პასუხით თბილ. სსხლ. უნივერსიტ. ოსურ სექციას).

ბ-ნო სექციის წევრებო! თქვენ მიზნად დაგისახავთ მოუპოვოთ ბ-ნ კოჩივს ხალხში სახელი-ნდობა და რადგანაც სიმართლე მითქვამს კოჩივზე, ამისათვის ბინდათ ჯვარზე გამაქრათ—მაწამოთ? თქვენ ამბობთ „ბ-ნი ოსი, ოსურ სექციის წინააღმდეგ მოქმედობს, არცხვენს—შეურაცხყოფას აყენებს“. რას ნიშნავს ეს? სექციის წინააღმდეგ მოქმედება, შერცხვენა-შეურაცყოფა ხომ თვით სახალხო უნივერსიტეტის წინააღმდეგ მოქმედებას, შერცხვენა-შეურაცყოფას და მისი ანტერესების ფეხქვეშ გათელვას—ლაღატს ნიშნავს? მერე რით ამტკიცებთ ამას? „კოჩივი დაიცავს თუ არ დაიცავს თავის თავს, ეს მისი საქმეა, მაგრამ ამ შემთხვევაში თვით სექცია არის შეურაცხყოფილი, თუ ბ-ნი ოსი არა გრძნობს, რომ სექციას მიაყენა შეურაცხყოფა, სექცია აპატიებს, როგორც უფისა“. აკი გითხარით, კოჩივის ვეკილები ხართ მეტი; თქვენ სექცია კოჩივისაგან ვერ გავირჩევით (ამას, როგორც თქვენი წერილი, აგრეთვე მოქმედება, ამტკიცებს), ბ-ნი კოჩივი გაიმართლებს თავს, თუ არ გაიმართლებს, ეს თქვენ სულაც არ შეეხებათ და საკვირველია. რას უნდა ვგრძნობდეთ ბ-ნო გენიოსებო?

თქვენ 8 სექტემბრის კრებაზე ცხარე აგიტაციას ეწოდით, სხვა ერებს უხარიათ რომ ოსები ჩამორჩენილი ვართ, ყველანი ფეხს გვატყვენო. ბ-ნი ოსი დავიდოვ-კარბელოვის პროვოკატორულ კორებს აყოლია, მუშებთან კავშირი შეუწყვიტაო. ბ-ნი ოსის წერილების გამო ოსებს დაგვეცინიან, თავის იდეაზე ხელი აიღოო. ტყუილად ეუ მობაქვთ თავი ოსების მარიალათ; თქვენ ოსების ინტერესები კი არ გალაპარაკებთ, არამედ ბ-ნ კოჩივთან, თქვენც გეცლებათ ნიადაგი და რომ სიმართლე არ გამოიკვეს გინდათ ოსები იხმაროთ საფარათ, ასე ხდებოდა და ხდება სხვა ერებშიაც. კარბელოვს არ ეიცნობ, მაგრამ კოჩივის და დავიდოვის საქმის შესახებ კი წამიკითხავს სამედიკატორო სასამართლოს ბანაჩენი, სადაც პროვოკატორობა უფრო კოჩივს ბრალდება და თქვენ ხომ სასამართლოს კრებაზედაც დაესწარით როდესაც განაჩენი გამოიტანეს? მაშ რაღაღა ცდილობთ შავი თეთრად გადატყუოთ?

მუშებთან კავშირის შეწყვეტას, იმაზე თუ ამბობთ, 25 მა-

რიამობსთვეს, რომ კოჩივის თაოსნობით არ დამიშვით სექციის კრებაზე, სექციის წევრი? რომელ წერილებზე მელაპარაკებთ, მე სხვა და სხვა ფესიკონომებით მომითავსებია წერილები, რომ მიჩვენოთ, კარგს იხამთ; თუ იმ წერილებზე მელაპარაკებთ, რომ ლითაც გვხვებით კერძოდ, სექციის წევრებს, კოჩივს და სოფლათ გაყარალებულ ოსებს, მე ბევრჯერ მითქვამს თქვენთვის, რომ თქვენ ვერ წარმოადგენთ ოსებს! იმ იდეას, რომელზე ხელის აღებასაც მადრალდებთ, კარგს იხამთ სიტყვით არ ევოტინებოდეთ, სიტყვით კოჩივს აპობდა ს. დ. ვარო. ზოგიერთა თქვენგანი იმასაც გაყვიროდით, ბ-ნი ოსი თავის თავს ოსს არ უწოდებდა, სოფლათ მოქმედებამ დაუმტკიცა, რომ ხალხში ბასაშეები არ არის, ჯაშუშია, ჯოჯოვებთან ხშირად დადიოდაო. ჩემზე 1907 წელსაც ლაპარაკობდნ „ქართველ მუშებმა ქრთამი მისცეს და იმიტომ არ უნდა ჩვენ, ოსებმა რკინის გზის საქონლის სადგურები ავიღოთ „არტელადაო“. ამ სიტყვების მოქმედებასაც მოქონდათ თავი ოსების მარიალათ. ნამდვილად კი „არტელში“ შეიტყუილეს მუშები, ფულებიც შეუპამეს და მოგვეხსენებათ, მათ წინააღმდეგ მუშებმა ფიზიკური ძალაც იხმარეს, რა სიტყვებს ჩემზე, ეს თქვენ მითხარითო.

დასასრულ, თქვენ გინდათ დამისახლოოთ ის 30 კაცი, რომლებიც 17 მაისის კრებაზე იყვნენ? მაინცნეთ როგორ თავისებურად გააცანით ინცინდენტი! იმ ოცდაათი კაცის სახელები და ბვარები, არ ვიცი და რომ იყო კრებაზე 30 კაცი, ესეც თავის დროზე გამოიკვეცა. თუ გინდათ გაიგოთ რას ვეძახი ინცინდენტის თავისებურად გაცნობას, გადაიკითხეთ თქვენი წერილი, ჩემ მიერ „ხომლის“ 28 №-ში თქვენდამი შეკითხვებზე პასუხი მომეცით და საქმე თვითონ დაგანახებთ ამასაც: ოსი.

რედაქტორ-გამცემელო იოსებ ბარამაშვილი.

განცხადებანი.

რედაქციის საგან:

ვინც „ჩვენს პედალს“

წასული თვეების ნომრებით, ან მხოლოდ პირველი სექტემბრიდან გამოიწერს წლის ბოლომდე, მიიღებს პრემიას

პოპულიარულ სამეცნიერო სტატიებისა და მოთხრობათა

პრემიულს

რომელიც დაახლოებით შეიცავს 200 გვერდს.

● ჩვენს პედალს ●

წასული ნომრებით წლის ბოლომდე ღირს — — 3 მან. სექტემბრიდან — — — — — 2 „

ხელის მოწერა მიიღება თბილისში—რედაქციაში; ქუთაისში—კანტორა „იმერეთში“. ქუთათურ ხელის მოწერით გახეი პრემიით დაურიდგება კანტორა „იმერეთში“

Тифлисъ. Редакция „Чвени Квали“. Ванкская ул. № 12. Рахиль Каландадзе.

ელექტრო-მბეჭდავი აშხ. „სორაპანი“, მადათოვის კუნძული, სახლი მუხრანსკისა № 1.